



Мудан дакІний икІантІиссар

МахІачкхалалий, Р. ХІамзатовдул цІанийсса Национал библиотекалуву, бюхттулсса даражалий хьунни цІанихсса шаэр ва педагог, хІакхсса патриот Даниял Магьдиевлун 80 шин шаврин хас дурсса аьпалул вечер.

8
лаж.



ЧАРШИ

№ 14
(2328)

16 апрель 2026 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкІиссар 1917 ш.
Цунил итабаклан бивкІиссар 1991ш.

Зараллу бухлаган баврил хІакъиравусса ЧС-рал оперштабрай

Апрельданул 13-нний Сергей Меликовлул дунни Дагъусттаннай ляличІисса тагъарданул биян бувсса зараллу бухлаган баврин хасъсса оперштабрал заседаниее.

Ванал бакІрай вичІи дир-хьунни тІабиаьтрал апатІрал зараллу биян бувсса районнай ва шагърурдай хьусса тагъарданул хІакъираву влаьтрал органнал каялувчигурал ва муниципалитетиртгал бакІчигурал бувсмуних.

Ххал дигьлагьисса хьуними темарду дия зараллу бивминнан кумаг баву ва эпидемиологиялул тагъар.

Мероприятиялий гьуртту хьунни АьФ-лул Президентнал СКФО-райсса вакилнал хьиривчу МахІаммад Рамазанов ва Аьрасатнал МЧС-рал бакІчинал хьиривчу Алексей Кострубицкий.

«Цанасса ппурттуву чІалай бакъар гьавалул тагъар гужну даххана хьуну, тІабиаьтрал апатІрал шамилчинсса цагІи биян бюхъайшиву, амма цаппара кІанттурдай уттигу нигьачІаву дусса ишру хьун бюхъайссар, хаснува зунттал районнай. Ми ишру бавхІуну бур занчру буцаврицІун, цаппара шярваллаву нехру дуккаврицІун, лахІунтту дуцаврицІун, ххулурду ва коммуникацияртту лияврицІун. ХІакъину ххал дигьинну, цукун дачин дан дурив ми иширттацІун дархІусса жулла давуртту», – увкунни Сергей Меликовлул.

Дагъусттаннай къатри щинахъхьун лагаврия зараллу бивсса инсантурал цалчинми выплатартту ласлан байбивхьуну бур: миннан дирчуну дур 19,5 млн кьуруш. Цанасса ппурттуву булуну бур 688 выплата: 562 цал булайсса, 126 – хьусхьиншивруцІа шаврийнусса. Ва даву уттигу дуллайна бур.

Заявкертту гьарца кьини кьамул дуллай бур. Дагъусттаннал социал кьуллугьру ва МФЦ бучІан буну бур хьхьугу, кьинигу зузисса низамрайн.

Цанасса ихтилат бур кулпатирттан гьарца кьини аьркинсса масъалартту дузал буллан аьркинсса арцуя. Бивсса за-



4 лаж.

ршинал дузалну дакъар уттигу инсантал ялапар хьанахъисса 9 шярвалу, миккун щин диян дуллай бур.

Зунтгал районнай ххулурду марцІ буллай бур марххалттаца, ххассал буллай бур ичІаллил хІайвант.

Сергей Меликовлул тапшур бунни тІайласса кьимат бишун шярваллил хозияьствалун бивсса зараллан, ми лахъансса выплатартту тІайлану булланшиврул.

Регионалийсса эпидемиологиялул тагъардания бувсунни ДР-лул Роспотребнадзорданул каялувчи Залимхан Оьма-

гадартту», – увкунни Роспотребнадзорданул каялувчинал.

Сергей Меликовлул муниципал сакиншиннардал бакІчитурайн тапшур бунни гужлан дуван санитар-эпидемиологиялул давуртту цала-цала территориярттай. Дагъусттаннал бакІчинал мукунма тапшур бунни инсантал чІумуйсса паракъат бувсса кІанттурдай сакин дуван цІуллушиву дуручаврин хасъсса бигьалагаву, цалчин ярглий оьрчІ-бакІуннан.

Хьунисса оьрчІал центрдал зараллу бивсса школардал дулкаки оьрчІан личІи дурну дия путевкарду, 80 инсанная сакин хьусса цалчинсса группа паракъат буну бур ца центрдаий.

«Жува аьркинссар цалчин ярглий бигьалаган тІайла буккан оьрчІру чІумуйсса паракъат бувсса кІанттурдая. Тиккусса оьрчІал хІакъинусса кьинигу дакъар дуклансса ва тарбиялунсса шартІру», – увкунни Сергей Меликовлул.

Гужсса гьараллу ларчІун махъ коммуникацияртту цІу дуккан даврил хІакъираву махъ лавхьунни цалчинма вице-премьер Манвел МажонцІул.

ЭЛЕКТРИЧЕСТВАЛУЛ ДУЗАЛ БАВУ

Сайки 20 азара инсан ливчІун ия чани бакъа гужсса чяхъагьараллу лачІаврийну. Агьалинал къатравун чани булаврил давуртту най дия циньяв кІанттурдай.

Республикалул кумагран пишакартал бувкІун бия Ингушетинава, Ухссавнил АьсатІиннава, Къарачай Чаргаснава ва Ставропольлал крайрая.

ГАЗРАЛ ДУЗАЛ БАВУ

БакІрай газ най къабивкІиссар 19 шяравун, яла лирчІун дия газ къананисса так ца – Ахъушиял район.

Тикку ремонтрал давуртту лахь лаган тІий дур апрельданул 17-ннийнин, лахІуни дурцуну ххуллу лавкьун бушиву сававну.

раллу лахъансса выплатартту буллантІиссар личІину – кьимат бишайсса комиссияртгал даву кьуртал хьуну махъ. Сергей Меликовлул тапшур бунни ми давуртту анавар дуккан дан.

Хьусса тагъарданул хІакъираву бувсунни вице-премьер Рамазан Жьапаровлул. Ванал бусаврийну, чІарусса чьвхъагьараллу лачІаврийну щинахъхьун ларгун дия 42 шярвалу, цана миннува лирчІун дур 7.

Щин дукъан дуллай бур,

учІан увну ур 200 ххассалбуву. Дагъусттаннай ххассалбувулт бувкІун бур цайми регионаягу.

Ххал бивгьуну бур 11 азарунниха ливчусса къатри, ялапарлувтурал лавсун бур багъайсса хІакъ, зараллан кьимат бишаврил даву уттигу дуллай бур. ЧС-рацІун бахІуну левшуну бивкІисса чани булуну бур циньяв шярваллавун ва шагърурдайн,

ривчул.

«Азарунниха лирчусса лабораториялийнусса хьиривлявуртту дурну дур щинахъхьун ларгун диркІисса циньяв шагърурдай ва шярваллаву, мукунсса хьиривлявуртту дуллай бур уттигу. Цанасса ппурттуву хІарачат буллай бур дезинфекция дуван. Вай гьантрай Хасавюртуллал ва Дарбантуллал районнай зий бур даву кІулсса бри-

Цалчинмур ЦувкІуллал жьамат кьини дуркминнал чІарав бавцІунни Мамедкхалалий

→ Дайдиху 1 лаж.

ЩИНАЛ ДУЗАЛ БАВУ

Шин дакъа дирчун дия 9 шяраллау. Гьарца шяраллау дучан дуллау бия хачайсса шин. Зуи дурну дия техника. Шинал шаллушиврул чулуха захматшиву дакъар. Ца гьантлул мутталый щинал дузал бан бакрайн лавсун бур.

Муниципалитетирттал бакчитурал Сергей Меликовлух бувсунни цанасса тагьардания ва дуллалисса давуртта.

Ихтилатру бунни Цунтгидиял, Цумадиял, Табасараннал, Дахадевуллау, Докъузпариннал, Ккуллал, Чарадиял, Лакрал, Хайдакьуллал, Лавашиял, Агуллау, МахIарамкантуллау, Ахушиял районнал ва Бежтиннал участокрал бакчитурал.

Сергей Меликовлул Дагъустаннал МЧС-рал каялувчи Нарман КазимахIаммадовлул тапшур бунни муниципал сакиншиннардайсса тагьарданул ялува ацлаву дуван.

«Тавакьюри хIадур дуван докладрал записка предложенилушлал, ккаккан дуван заралу бивсса циняв шяраллау. Жушава къашайссар личи буван, масалдаран Дарбанту, МахIачкьалагу, Хасавюртуллау район ва Дахадевуллау район. Инсантал къулагьас къадурну къабитан къашайссар», – увкунни республикалул каялувчи.

Алексей Кострубицкий Тимунийну, федерал центрданул республикалийн тIайла бувккун бур Донскаллал ххас-

салбувултрал центрданул группа – 100 пишакар ва 30 техника. ХIакьину биянтIий бур Тулаллал ххасалбувултрал центрданул группа – 100 пишакар ва сайки 30 техника.

«Жунма чIалай бур региондалуша бюхълай бушиву аьркинсса давуртту дузал дуван. Кумаг буллану аькинссаксса», – увкунни Алексей Кострубицкий. Ванал бувсунни цалчин ярглий дуван аьркинсса давурттал хIакьираву.

Цалчин – аьркинссар ччясса мутталый тIитин шяраллау-вунсса хулулурду тинин лавкъуну бивкIсса кIантурдай. КIилчин – дезинфекцияртту дуван къуллардаву ва къувирдаву (скважинардаву). Региондалийн дучан дурну дур 4 тонна гипохлорит натрийрал, цаппара гьантраву дучантIиссар уттигу 10 тонна.

Ванал тапшур бунни влаьстрал органнал каялувчигурайн ва личинурасса къулагьас дуван агьали кIул буван дуллалисса давуртташлал.

МахIаммад Рамазановлул Тимунийну, зарал бивминнан кумаг буллан аьркинссар аьчуну. Ванал бувсунни цаппара мисаллу ихIсандалул кумагчитурал (благотворители) чIаруасса арцу зарал бивминнал кIунттихъхъун дуллау бивкIсса иширттая, яла захматну бикIайссар кIул буван: цуманан бувсарив кумаг, цуманан къабувсарив.

Ванал депутатгугурайн тапшур бунни чялишну гьуртту хъун му давривух.

**ХIадур бувссар
ХI.АБДИЛОВЛУЛ****Агьалинал яхI бунни**

Хъуни мархалттал зунтурдайгума хъякруду хъун дурну, агьалинал къатрал ялул зунттул лекьурду дуккан кунмасса кIантурдугу бур. Хъинну къабигьасса тагьар хIасул хъуну дия Ккуллал шяраллау. Агьали, зунтгуйсса хъякру ххишала хъанай душиву буслай, чичлай бия. Амма Ккуллал агьали, бала бучIавривухва, кIунттил дургьуну чIатригу, бувккуна лахIунту хIуен дуллау, гьагьлийн кIура даен дуллау.

Жагьилталгу, бугьарамигу, цала тIийкун, чIатIа дугьансса хIал бума увккун, ххюва-ряхва гьантлий зий бивкIунни, пьплил агьтартту къумасса кIичIиравулувсса ратIичIан бурган буллау.

«Видеортту ккарккунни, сурат дакъарив?» – цIухлай бура на шяраллал оьрчIал багьраву тарбиячину зузисса Разият АхIмадовайн.

Патимат РАМАЗАНОВА

«Буххаврил сурат ришайссавагу акъая. ХъачIрайн хъачI дирхъуну тIисса къяйдалий, бувккун бия Ккуллал агьлу цаласса цивпа буллау», – тIий бур ва.

«Ккуллал агьлу кумаграх, инженертурал хъунисса проектирдах ялугьлай къабивкIунни, анавархъиндарай дуван аьркинсса даву цала карунних, чIатIрах дуллау булувкъунни. Халкъуннал цала яхI, къищи ккаккан бунни. Гьарца занакьулушиндараву, зузаврил бушулуву ппухълуннал шавкъ чIалай дия», – цаламур пикри буслай ур вайннал шяраллау Магьди ШайхIаммадову.

Халкъуннал дакIурдил гьилишиврул мархалттал зунтурдугу хIаллицIух бассан бувантIиссар. КIанттул влаьт ва агьали ца хъуну зурча, сантирай ва лябуккулий бувккантIиссару вай иширттава.

Сергей Меликов хъунаавкъунни журналистгугурашлал, блогертугурашлал ва жяматрал вакилтугурашлал

Апрельданул 14-нийн Дагъустаннал бакIинал аьчухсса ихтилатрал форматрай жавабру дуллунни журналистгугурашлал, блогертугурашлал ва жяматрал чулухсса вакилтугурашлал суаллахъхъун. Хъунаабакъаврий ххал бигьлай бия тIабиатрал апатIрал биян бувсса заралу бухлаган баврил, инсантуран кумаг баврил ва цаймигу масъалартту.

КIици лагьлисса масъаларттава цалчинмур бия КIачIухуллал (Геджух) платина личин даврил хIакьиравумур.

«Ва бакъар къуллугьрайминнал дурмур ягу къадурмур къюлтI дансса хIарачат. Ва дур буниялагу яличисса

тагьар: чьвхъа-гьараллал лагру дия КIачIухуллал плотина щинахъхъун гьаншиврийн нигьачIаву диян дуллалисса, ва дур тIабиатрал апатIрал хъун дурсса тагьар. Муксса хъуннасса щинал лагру бартхъьиврун лагрун яла плотина личин даврил ци чулийгу хIасул дантIиссия авариялул тагьар», – увкунни Сергей Меликовлул.

Му мукунугу, региондалул бакIинал сипталийну ххал диргьуссар плотина лирчуса зоналийсса гидротехникалул сооруженияртту ва Аьрасатнал Федерациялул силлалул комитетрал дачин дурссар уголов дело. Цанасса ппурттуву ххал дигьлай бур цаппара къуллугьчи-

турал давуртту.

«Агана жу, масалдаран, ва информациялушлал кIул хъуну бивкIиссия щинахъхъун гьаннин 2-3 гьантлул хъхъичIва, бюхъайва цукунсса дунугу давуртту ялагу дан хъунгу. Амма тагьар даххана хъанай дия анаварну, щин лахъ хъуна цаппара ссятирдал мутталый», – увкунни республикалул каялувчи.

Региондалул бакIинал бусаврийну, ччясса мутталый дуван аьркинмур дурну диркIиссар: щинахъхъун ларгсса зоналия цIан лакьланнинма бизан бувссар инсантал;

дурссар режимрал мероприяртту, нигьачIаву дусса зоналий инсантал къаличIаншиврул;

дузал дурну диркIиссар ххасалбувулт ва волонтерал зунсса шартIру, ми анаварсса мутталый хIадур буну бивкIиссар ва бивчуссар Дарбантуллау райондалийн МахIачкьалалия ва Хасавюртуллау райондалия.

Хъунаабакъаврий Сергей Меликовлул бувсунни заралу бивминнан багьайсса кумагру баврия ва инсантуран цалчинми выплатартту дулаврия.

Сергей Меликовлул бувсунни мукунма щинал объектру мюхчан баврил давурттагу, зунттал районнайсса тагьарданиягу, «Приморская» подстанциялул ва аьмну энергокомлексерал хIакьиравугу.

**ХIадур бувссар
ХI.АБДИЛОВЛУЛ****Бурувчуну бикIан**

«Дагестан» РИА-лий хъун республикалий хIасул хъусса захматсса тагьардануцун бавхIусса масъаларттал хIакьиравусса пресс-конференция. Спикертал бия Дагъустаннал цIуллу-сагьшиву дуроччаврил министрнал хъиривчу Патхула Патхулаев, ЦIуллу-сагьшиву дуроччаврил ва медициналул профилактикалул республикалул жяматийсса центрданул хъунаманал хъиривмур Элеонора Аьлиева.

Вайннал бувсунни хIакьинусса къини щин ялтту лагаврицIун бавхIуну республикалий хIасул хъусса захматсса тагьардания, хаснува щинал маршI-чапалшиврул тагьардания, маслихат бунни укунсса шартIирдай лахъай азарду пивкъахъун, жула цIуллу-сагьшиву дуроччаву мурадрай цукун занакьулу бикIан, ци чаран лякъин аьркинсарив. Патхула Патхулаевлул бусласимунийн буну, хIукуматрал аьркинсса кумаг бантIиссар баллул зарал биян бувминнан. МахIачкьалаливсса ва Дарбанглив-

сса бала-апатI хъусса кIантурдаясса пациентгугуран бивхъуну бур ххишаласса 180 койка. Салкъи дурну дур дарурттал ва вакцинардал луртан. ХIасил, региондалул медициналул система хIадурну дур иш багьний кумаг бан. Вакцинация цанасса тагьарданий агьалинал цIуллу-сагьшиву дуроччинсса, инфекциялул азарду пивхъун къаритансса чаран хъанай бур. Патхула Патхулаевлул оьвчаву дуллау ур агьалинайн загьрулул хъусса ишур хъурча, цалва чаран къаляхълай, мугьлат бакъа пишакартурайн буккан.

– Жува чаран ляхълай, тагьар хъиннура оьвивун дутан бюхъайсар, – увкунни ванал. Мукуна ва ур нитти-буттайн оьвчаву дуллау, оьрчIан вакцинация дара тIий. Патхула Патхулаевлул барчIалагь баян бунни Дагъустаннайн къини дурксса чIумал, кумаграл ка тIиртIусса чIаххуврайсса республикалул агьалинайн

– Гьарича къини жучIанна дуклай дия 20 тонналия 50-нийн дияннинив щин Чачаннава,

Къарачай-Чаргаснава. Цанугу шалагу билаятрая жунма кумагру най бур, – увкунни ванал.

Спикертугурашлал къадагьа дунни республикалул агьалинай так щара лархъсса ва шушравасса щин хIачIан. Шин чара бакъа шанна минутрайсса, ххишалагу щарай дитан аьркинссар ягу шамийла шарачи дан аьркинссар, цанчирча цаппара инфекцияртту мукун дакъа дирчIан дан къахъунтIиссар. – Токрайсса чайник ащния ххюра секундрава лешайссар, му чIун къагьассар инфекция дирчIан дан, – бувчIин бунни ванал. Элеонора Аьлиева кIици лавгунни азарда мюхчан хIун бигьашиву, ми хъин даннир. Ванил ккаккан дунни республикалий электрон журалий пив дурсса агитациялул материал: памяткарду, буклетру, листовкарду, санитар плакатру.

Ванил бусласимунийн буну, цинявпшагу шагурдайсса ва районнайсса азарханардай зий бур медициналул профилактикалул кабинетру, профилактикалул давуртту дуллау бур оьрчIал поликлиникардал морщиминнансса ва дуклаки оьрчIансса отделенияртташлал, мукунма студентгугурашлал поликлиникардашлал цачIу. Патхула Патхулаевлул бувсунни региондалул медициналул система хIадурну душиву агьалинан кумаг бан. Ванал бувчIин бунни, цIухху-бусу бан ччиминнан, цивппа цIакь бувсса поликлиникарду бушиву. Пишкартурал бувчIинбавуртту дантIиссар вакцинациялул хIакьираву. Зарал бивсса районнай мугьлат бакъа гьансса фельдшертурал ва хIакитурал бригадарду сакин буну бушиву.

Анриана АБДУЛЛАЕВА

Лакрал райондалия

Тагъар
къулагъасралу
дур

Зунттал районнай бацлаву дакъа буллайна бур хъунисса марххалтту, лачлайнна дур риршу гъараллу. Муницпун бавхуну хъунисса нигъачлаву дур лахунтту, валтру дагъаврия ххуллурдангу, миннуцхусса къатрангу.

Хъунисса зараллу хъуну бур ххуллурдайн къунтту зивзуну, хъяхъа куну, ттукрал тталлу къатл хъуну, ххаллу руцари хъуну. Архми шяраваллавун ттурча, ххуллурду зунчардил бава-бавшуну ми бакъин банса, ттукл буцинсса техника гъандучан къахъанахисса тагъарданий бур.

Хасул хъусса тагъарданий бивсса зараллу бухлаган банса, шяраваллал агъалинан кумагрансса чаранну лякъинсса суаллу ххал бивгунни Лакрал райондалул бакъичи Зураб Куччаевлуца хъусса анаварсса батлаврий.

ГО ЧС-рал отделданул, ххуллурдал идаралул, электросетирдал зузалтрал баян бунни квантту-квантурдайсса тагъардания.

Администрациялул зузалт бивунни шархъавун, ххал дунни тагъар. Цанасса чумал марцл буллай бур ххуллурду. Базлай бур ттукл, гъан-буччан захматсса шархъавун биян буллай бур ихсандалул фондирттал чулухасса гуманитар кумаг.

Ххюлуссуннал
шяраву

Тталаткъини хъхъувай, Ххюлуссуннал шяраваллил ялтгусса зунттуя ца метра утташиврийсса лахуни дурцусса бавну, кихун тагъар ххал дан ивунни райондалул бакъичи Зураб Куччаев.

Лакхуни ялун диян кунна чалачисса ацния цава къатлува агъали чумуйнуса гъанчуначан, шяравучутурачан бизан бунни.

Арвахкъини шяравун тагъар ххал дан бувкунни республикалул МЧС-рал министрнал хъиривчу Элдар Атаев бакъийсса комиссия. Делегациялув бия Табиятрал ва строительствалул министерстварттал вакилтал, «Госэкспертиза проектов» ГАУ-лул директор Шамил Аскаров. Вайннал ххал диргунни цанасса чумалсса тагъар. Ялугълай бур лахуни дагъагъисса кванттай экспертиза данса пишакарттурах.

Нех дукъаврия
нигъачлаву
дакъар

Ларгесса нюзмардий цаппарасса Телеграм каналлай бувккун бия Лакрал райондалий Хъунайннал ва Ахъардал шяраваллал дянивсса зунттул ххярагъала дагъну, нех ялтту най, зумақырагърайсса шяраваллан нигъачлаву дур тисса авазартту.

Мунил ялув муниципалитетрал каялувчинал хъиривчу Малик Хусмановлул бувсунни тагъар шяраваллан нигъачисса дакъашиву. Администрациялул зузалт табиятрал апатл хъусса квантурдайн ялтту буккан лавгшиву. «Арчуттиял шяраваллил тия чулийсса зунттул ххярагъала ацния ххюра метраксса яларай неххавун леркъун дур. Нех даршуну дакъар, лахунттул тиха ва шиха цила ххуллийх най дур», – увкунни Малик Хусмановлул.

Зулайхат ТАХАКЪАЕВА

Табиятрал апатрайну бивсса зараллу бухлаган баврин кумагран техника дучан дунни кванттул ишбазаранчитурал ва дак агъалинал.

Ишбазаранчитуралгу
кабакъу бунни

«Биг-Сервис» ООО-лул хъунама директор Шамил А依иевлул гъан дунни ххуллурду марцл бансса техника. Цана техника зий дур гъараллал зия бувсса Инишиял ва Къукуннал шяраваллал чулийнмайсса ххуллурдай.

Шамил А依иев цувагу ивунни апатру хъусса квантурдайн, ххуллурдал тагъаргу ххал дан, зузалтрангу кумаг бан.

«Так цацур жушава табиятрал апатрал биян бувсса зараллу бухлаган бан бюхантисса. Жул идара ччанияцлава уртакъну буссар администрациялушал, хладурну

буссар агъалинан бюхъайсса кумаг бан гъарца ишираву», – увкунни ванал.

Ххуллурду марцл бансса техникалушал кумагран увкунни райондалиясса цамагу иялчу – Ххутрал шяраватусса Малик Жабрайлов. Ванал кумаграцху бювхъунни лахунтту, валтру дагъсса ххуллурду марцл бувну, Ххутрал ва Хъанардал чулийннай транспорт занансса тагъарданийн буцин.

Райондалул администрация ва агъали барчаллагърай бур вайннай ватанлутурал чарав бацлаврихлу. Цал каши хъиннура хъунна хъуннав тий бур.

Виричунал цанийсса фондгу
чарав бавцуну бур

Аьрасатнал Виричу Нурмамамад Хажимамамадовлул цанийсса «Патриот» тисса ихсандалул фондгу байбихъунни риршу гъараллану зараллу бивсса идарттан кумаг буллай.

Фондрал учредитель Энгельс Хажимамамадовлул тйайла дурккунни цулул-сагъшиву дурручаврил ва кулшиву дулаврил идарттансса сурсатру.

«Чапалсса шин дурхсса квантурдай пив хъун бюхъайсар лахъай азарду. Муния буручиншиврул шин дагъсса азархарттайн, поликлиникарттайн, школардайн ва детсадирттайн тйайла дуккарду 15 тонна антисептикерттал», – увкунни Виричунал буттал.

Нурмамамад Хажима-



Хажимамадовлул цанийсса фонд мундан чялишса гурттушинна дуллай буссар гуманитар акциярдавух. Чарав бацлай буссар хасъсса аьралий операциялий

чувшиврий жанну дуллуминнал кулпатирттал, аьралий иширттал ветерантурал ва мушакъат хъуминнал.

Зулайхат ТАХАКЪАЕВА

Дезинфекция дуллантиссар

Хасаяртулал райондай шинавун бювкъсса квантурай дезинфекция дан Дагъусттаннал медициналул университетрал студенттал-волонтертал кунку баврил хакъравусса ихтилат хъунни Дагъусттаннал жагьилтурал иширттал министр Камил Са-

эдовлул ва региондалул Роспотребнадзорданул каялувчи Залимхан Омариёвлул дянив.

Цана волонтертал Роспотребнадзорданул ва МЧС-рал пишакартурачла цукун занакъулу биклантиссарив лахълай бур.

Яла миннашал архлал зарал

бивсса квантурдай дезинфекция дуллантиссар.

Укунисса даву дуллантиссар Дарбантулал райондалийгу Илизаровлул цанийсса Дарбантулал медициналул колледжрал студенттал кунку бувну.

Адриана АБДУЛЛАЕВА

Виваллил иширттал
зузалтгу архну
бавцуну бакъарРизкъичитуран –
ххалал КАМАЗ

Хъунисса марххалтталу ливчун, лазундарал хъирив гъан-буччан къахъанахисса Лакрал райондалул архсса шархъал ризкъичитуран кумагран ДР-лул виваллил иширттал министр Аьбдурашид Мамамамадовлул тйайла бувкунни ххалашалсса КАМАЗ.



сетирдал зузалтраца.

Ххуллул техникалушал бувксса полициялул зузалтрал кумаграцху зунчардица марцл буккан бунни ххуллу. Му бакъасагу, вайннал кумаг бунни лахъачан захматсса кванай ттукрал тталагу цакъ бувну, ххаллу дарзуну, шараваллил агъалинан чани булун.

Буршиял шяраваллил жямат барчаллагърай бур захматсса шартирдав зий бивксса ххуллурдал, электросетирдал пишакартурайн ва вайннал кумагран бувксса полициялул зузалтрайн.

Зулайхат ТАХАКЪАЕВА

«ЦувкIул цIувкIуллал чIарав цукунни кIабацIан»

Цалчинмур ЦувкIуллал жяматгу кIини дуркминнал чIарав бавцIунни. КIивашанма гIантлий чиваркI занай бивкIунни МамедкIалаливсса, кIятри щинавун дюркIсса шярваллил агIалинан кумагру буллай. МамедкIалалив мадарасса цIувкIул буссар. Шанмайва кулпат буссар чIаххуврай яхъанай. Щинал аьтартгал вай шанмагу кулпатрал кIятри гIалакIу дурну, думуницIа буну личIан бунни.

Шярваллил имам МахIаммад-Рамазан КIурбановлул каялувшиврийну бригадартту буну, занай бивкIунни кумаг буван. КIицI лаган аьркини ва даврия тинайну кIаавцIушиву машгIурсса пагIамаман Камил Маммаевгу. Ванал бакIрайн лавшиву зуминнангу, ялун бучIайминнангу ххуйсса ахтайнсса дувангу.

ЦувкIуллал жяматрал захIмат буваврийнусса кумаграй гIашиву кIадунни. ДартIунни 500 азарунничIан дирсса арцу. Вайгу дарчIунни шанмагу кулпатрайх.

«ЦувкIул ЦувкIуллал чIарав кIабацIуну кIаашайсар, укунсса чIумал аякIа кIадурну, кIулагIас кIадурну цукIуй итан кIабучIиссар. ГIавалул прогноз-



гу уттигу жува ххари бувансса дакIахъувкун, жушава гIарнаша шайсса кумаг буван аькинсса чIун дур», – увкунни шярваллил депутатIтурал вакил ХIажимурад Исаяевлул.

«Жува кIини дуркминнан кумаг буван бучIи шаву – бусравсса даву душивруцIун, жунмасса

тIайлабацIугур. Укуннийри инсантурая мюнпат бу-бакIашиву чIалан бивкIайсса», – увкунни МахIаммад-Рамазан КIурбановлулгу.

Шиккува бусанна, зунттаври жяматгу кIини дурккун кIабивтшиву. Шярваллил активист МухIаммад Юнусовлул предло-

жение дуллуна, лазундарал хIирив буккансса ххулу бакIа гIатара, дучри кIашил литIлай битан кIабучIир, ххулу укIа булунми лякIинну, транспортрах багIа булуну тIайла буккану тIисса. ВанацIун бавкIуми, шярваллил бакIчи МахIаммад-Расул Илдаровлул цивппа

Бабаюртулал кIутаннайх бивкIун, ххулуву лякIуну, машинардайн лахъангу кумаг бунни.

Шярвуми ЦувкIуллал жагIилтуралгу яхI бунни хъхъувай шану кIалавхъуну Ваччийл ламуха, Лахъи-КIурату ххулу шярвун ххилай. ЦувкIравсса ххулу бакIлавайсса буну, чIивисса марххала буннийвагу машина лахъан шайсса бакIар, цукуннугу бульдозерданул кумаграцIух бивкIунни чIивисса машина гIан шайсса ххулу.

Шикку кIицI кIалавгун битан кIахъунсар, кIятравун шин дурххуну кIини дуркIсса, МамедкIалаливсса Мавраева Загидатлул цинна кумагран дуллумуния, 10 000 кIуруш шярваллил иманнахъун ххулу ЦувкIрав биян буван дуллушиву. Цуппа кIини дурккун бунувагума, цайминнал балаллийгу бушиву кIаккан бунни.

Ххуйсса кумагру буванссагу бивкIунни, вайннал цIарду кIицI кIалагланна. Цаятува биллай битаннав! Кумаг чIивисса, хъунмасса кIабивкIайссар, дакIнийхтуну бовсса кумаг чирилунссар.

Укун куннан кув кумагру буллай, буккантIиссару жува балаллува. Ин ша АллагI, ххассал хъунтIиссару, хъуни марххалттал ва чIавхъа-гIараллал ххутIаща.

Ххулу биян буван бакIрайн лавсунни

Райондалул хъунаманал бурж чIумуйну бартбигIагIисса Ажуб ХIусмановлул совещание дурну, бивсса зараллал хIисав ларсун, Шамил Жамаловлул маслихат бунни райондалий чрезвычайная ситуация (ЧП) баян буван. ЧП баян бовсса чIумал, тIабиаьтрал биян бовсса зараллащалсса талатаву гужлан дувансса шартIругу, сантгу дикIайну тIий ка-кумаг тIалав бувангу.

ТIабиаьтрал гужну риршуну дур учин бучIир фермертурал хозяйствардайх. Ларгсса нюжмардийсса хIасиллайн буну, райондалий ливтIуну бур 250 ризкIи, вайннувагу 170 лухIи ризкIи, 40 тта ва вайкIсава дучри. Вай цифрарду буюхъийсар тания махъ баххана хъуну бивкIангу, ветеринар службарду хъирир бавцIуну, цумур шярвуну,

Лаккуй хъунисса марххалтIаща кIятри, ххулурду ва ризкIи Лакхассал бувансса давуртту дуллайнма бур вай гIантрайгу. Шярваллил хозяйствалул ва бакIлахърулул министр Шамил Рамазановлул тапшур буну, Ккуллал райондалий ци тагIар дурив, цукунсса кумаг аьркинну бурив кIаккан бивунни министрнал хIиривчу Шамил Жамалов ва РизкIилулсса булалисса управлениялул каялувчи Светозар Оьмаров.



цумур фермалий ци тагIар дурив кIул буллай, бан шаймур кумаг буллай бур. Кумаграх мюхтажну дусса дур 2800 метралул лахънийсса фермарду, вай залунсса марххалтталу лирчIун дусса дур, ххулу буккангу захIмат-жапану бусса бур. 20 километралул манзилданыйсса ххулу буккангу бигIасса иш бакIар. Цанасса ппурттуву райондалул администрациялул ва давриха зузи дурну дур кIусса техника. Кказит буккултрачIан бияннин бюхъайссар ххулу буккангу.

Шярваллил хозяйствалул министрствалул сипталийну ризкIичитурачIан 40 тонна ххаллал диян дуван бакIрайн лавсунни. Инттухунмай лазуннарал Кюла бовсса ризкIичитуран, ятту-гIаттара кIашил кIялуша ххассал бувансса чаранкумагри вагу.

Хъуни марххалтту цивппалу кIабивкIан, ялун бивунни цамургу бала: марххалттал хъюмучIюму дурсса лахIунтту душлай, кIятрал ялун ва ххулурдайн лекIан нанисса нигIачIисса тагIар. Ккуллал шярвуну укунсса нигIачIин дусса кIантурдайсса кIятрава халкI бизан буван маслихат бунни Шамил Жамаловлул. Ванал кIицI лавгунни, хъхъичI ххуттай агIалинал мючаншиву дуручIаву дикIан аьркиншиву ва лябуккулий му ишираха зунтIишиву.

Цуксса захIмат-жапасса тагIар духурчагу, республикалул ва райондалул властирдал кабакIаврийну ва цала хIарачатрайну марххалттал гужумраша ххассал хъунсса кIастирай ва хIарачатрай бур райондалул жямат. ХIарачат буллай вардIисса агIлурхха. БувантIиссар ва ххуллухъу. ТIабиаьтралгу, Аллагу Тааьлалалгу кабакIинхъуви.

Лакрал жагIилталгу бивкIунни кумагран

Лакрал районнал имамтурал сипталийн буну, жагIилтурал ккурандалул уртакIуну (ДРОО «Лакское молодежное общество»), вай гIантрай кIятравун шин дурхминначIах буллай, кумаг буллай бивкIунни лакрал жагIилталгу.

Апрельданул 8-ний, вай зий бивкIунни МахIачкIалаллал зумахIирагIрайсса Газораспределитель поселокрай, хъирир кIини Дарбантулал райондалий МамедкIалалив.

«Жу зараллу бивсса, анаварсса кумаг аьркинсса кулпат-

тирттачIан бивну, цуминнан цукунсса кумаг аьркинсарив ххал буну, шаймур буварду. Укунсса чIумалли гIанми, чIаравми, шярвуми чIарав бацIан аьркинсса, ва иширал чIалачIи бунни кумаг буван чIими чансса бакIашиву. Агар жува укун чачIу, куннал кув бивгIуну зурча, куннан кув кумагру буллай, ялун дирсса захIматшивуртIава буккантIиссару чIяни», – увкунни кумагчитуравасса Арсланаьли Сулаймановлул.

Лажин хIадур дурссар
ПатIимат РАМАЗАНОВАЛ



Ккуллал райондалия

Хар-хавар бакъа ялун бивсса апатІру

Махъсса ппурттуву Дагъ-Мусттаннай гужсса гъаралду лачлай, марххалтту буллай, хъунисса зараллу хъунни инсантурал къатта-къушлин, хъулхъулчлун, ризкылун, ххуллурдан. Интгхунмай бивсса кІусса марххалттанул Хъусрациял ва Ккуллал шяраваллан хъунисса зараллу биян бунни.

Хъусрациял шяраву сайки 80-хъул къатрал магъив ва тамансса къатрал чІиртту левкъунни. Ялгъузсса тагъардану-ву лирчІунни машайсса ризкыи. Зунттаву, машиналул ххуллу бакъасса кІанттурдайсса (Мусравсса ва МухІлуцІавсса) машайсса инсантал кІирахъул ножмардий связьраин буккан къахъанай ливчІунни. ВайначІан генераторду, ччуччия, дуки-хІачІия ва аьркинмур диян дансса цукунчІавсса тагъаргу дакъая. Балчантрайвагу бачин бюхълай бакъая. ЧІявусса балчант марххалттанивун къувтІуну, сукку хъун къахъанай ливтІуну бур. Зунттавусса кІирагу машилийсса инсантал ва ризкыи цукун буссарив кІул бан къахъанай ливчІун бия вайннал мачча-гъанми ва жямат. Шяраву ва машайсса инсантурачІа лазуни духларгун дия. Инсантурал хъунмур бурруккин бия ризкылун лазуни аьркин дагълагъисса. ЗахІматсса тагъарданувун багъсса ппурттуву, Хъусрациял жяматран хъинну бусрав хъунни Дагъусттаннал Виваллил иширттал министерствалул чулухасса кумаг. Ххалал ккипирдал бувцІусса камазращал бувкІунни МВД-лул зузалт. Мукунма, Бабаюртулал райондалийсса Хъусрациял къутандалий зузисса инсантуралгу ккипру гъан бувну бия. «Аьр-



кинну бухъурчан, уттигу ласун нанияра», – тІий, оьвтІинма бия цивпагу.

СсахчІав къабурувгун цащава шайсса кумаг буллай бия шагъурдая шяравун бувкІмигу, кІиккувасса жяматту. Дуки-хІачІиялул тІурча, вайначІа иш багъний дукаансса луртан дакъа къабикІайшиву кІулсса зат бур. Амма, цукун бухъурчангу, инсантал барчаллагърай бур Хъусрациял жямат ттукІ бакъа, связьраин къабуклай бур тІий бавну, «Чистое сердце» ихІсандалул фондрашал, гуманитар кумаграшал бувкІсса усурвал РахІимовхъайн, ризкылун ххуллу гъан бивсса Бабаюртливсса Хъусрациял шяравасса инсантурайн ва цинявпагу какумаг буллай, чІарав бацІлай бивкІминнай. Мукунма жямат барчаллагърай бур марххала буння шинмай шяравухсса ва машайнсса ххуллурду марцІ буккан бувансса техника щаллу дуллай ивкІсса Ккуллал райондалул администрациялул бакІчинал бигарду биттур буллалисса Ажуб ХІусмановлул.

– БувчІлай бур цІанасса заманнай телефонналул связь дакъа чарабакъасса душиву.

Жун пикри хъунни инсантурал цалла телефонну зарядкалий дишинсса, ягу кумаг буллалисса инсантал гъили хъун буххансса, генераторду бивхъусса пунктру тІитІинсса, – тІий бур, вай укусса иширттал бардулт хъусса жагъилтал.

Вай гъантрай Ккуллал райондалий хІасул хъусса тагъар ххал дигъин ва тІабиабтрал апатІирттая бивсса зараллан къимат бищун увкІунни ДР-лул Халкъуннал Мажлисрал хъунаманал хъиривчу Камил Давдиев. Хъусрациял шяраву къатта-къушлин зараллу хъусса инсантуран бувчІин бунни кумаг хІисаврайсса компенсация ласунсса куц.

Ва макъала чичлай бунува, на цІухху-бусу бувессия СунбатІуллал шяраваллия арх дакъа, Бюхтул-сунув зунттулусса «КунцІалу» тІисса агрофирмалий каялувшиву дуллалисса Насруллагъ Адамовлухъу. Шикку ябуллай буссар 200-нийн бивсса ризкыи.

– ФермалучІансса ххуллийн ххяли леркъуну, бахътта занай гъанссавагу ххуллу бакъа ливчІуну буру. Ризкылун лазуни дичин занай буру километра ва дачІи манзилданийн неххамачІуйхчил шяравунмай буклакисса ххуллийн. Гиккун лавсун бувкІсса ххалал ккипру бичару ризкылун. Аллагънайн шукру, ризкылун зарал къавхъунни, цинявпа сагъ-саламатну бур. Так лазуни лавсун бучІансса ххуллу бакъар. Жун кумагрансса ххуллу бувкІунни Ваччав. Ххуллу бусса кІанай бинийн ризкыи бувчІуну бучІару, – тІий, буслай ур Насруллагъ Адамов.

Имара САИДОВА

ЦІуссалакрал райондалия

Зараллу бухлаган баврил ххуллийсса давуртту

ЦІуссалакрал райондалий хІасул бувну бур тІабиабтрал апатІирттая бивсса зараллу бухлаган буллалисса ва цуксса зарал бивну бурив ххал буллалисса хасъсса комиссия.

Гужсса гъараллу ларчІун, хъунмасса зарал бивну бур ЦІуссалакрал райондалун, хаснува ЦІуссаккуллал шяраваллийн. ЦІанасса ппурттуву комиссиялул вакилтал мюрш бивкІун къимат бишлай бур щинавун бювкъун бивкІсса къатта-къушлин, идарарттан ва инфраструктуралун хъусса зараллан. Сакин дурну дур зараллу хъусса кІанттурдай дуллансса давурттал план. ЦІуссалакрал райондалул бакІчинал хъиривчу Амир Султанов ЦІуссаккуллал жяматрашал хъунаавкъуну, бувчІин бувну бур къатран, хІаяттирттан, багъ-бахчалун бивсса зараллан къимат бишаврил низамрая. Агъалинал гъаз бувсса цинявпа масъалартту аякъалийн лавсун бур МаматІи ХІамзатовлул.

Райондалул каялувчитурал къамул бувну бур зараллу бивсса

инсантуран кумаг бансса чарану. ЦІанасса ппурттуву райондалий шаллу дурну дур къатран хъунмасса зарал бивсса инсантуран чІумуйну бацІансса ялапаршиннарал шартІру. Агъали хІачІансса щинал ва дукиялул дузал буллай бур, цІу дуккан дуллай бур зарал бивсса инфраструктура. Му бакъассагу, дуллай бур зараллу хъусса инсантуран кумагрансса юридий консултацияртту.

КІулсса кущуй вай иширттацІун дархІусса, захІматсса тагъар хІасул хъуну дур ЦІуссаккуллал шяраву.

– Гъараллу ларчІун ЦІуссаккуллал шяраву шанмамукъва кІичІиравусса къатри ва ххуллурду щинавун бювкъусса кІанттурду хъунни. Сайки 60 инсан чІумуйну ялапар хъунсса кІанттурдайн биян бувссар. Щиналу ливчІесса кІанттурдая щин дуккан дуллай зий дуссия хасъсса техника ва насосу. ХъунмурчІин жяматрал хІарачатрайну дуккан дунни щин. Бакъин бан багълай бур

гъарал щинал зия бувсса ххуллурду. ХІакъинусса къини республикалул каялувчитурай бивхъуну буссар зарал бивсса инсантурал масъала, – тІий, буслай ур ЦІуссалакрал райондалул администрациялул бакІчи МаматІи ХІамзатов.

ЦІуссаккуллал шяраваллил администрациялул бакІчи Баград МахІаммадовлул кІицІ лавгунни, цІанасса ппурттуву шяравусса тагъар къълай хъуну душиву, жяматран гъарица чулухасса кумаг бувшиву.

– ЦІуссаккуллал шяраваллийн къини дурксса чІумал шайма шайсса кумагу буллай, арцуину, дука-хІачІиялийну, лахху-ликкиялийну, лагма лавгун бия. Цикссагу хъунни гуматинар кумаг бувсса ишбажаранчитал ва укунмасса инсантал.

Вай гъантрай 20 тонна хІачІайсса щинал дуркІунни Москвавив ялапар хъанахъисса 2-мур ЦІувкІуллал шяравасса Аьдлумажидлул арс Арслан МахІрамовлул.

Имара САИДОВА

Вай гъантрай зунттаву агъали лазуни духларгун ливчІшиву буслай, фермертал леххаврил чІурду баян аьркиннайн, дакІ цІуцІиминнайн баян буван хІарачат буллалисса ппурттуву, бувкунни официал источникирттай ва социал сетирдай: «Ай, диялсса луртан лазундарал къадуллай бур, дукІурагу диял къархъуну дунура дарсну къархъунни, хІатта курчІил хъуну бур» тІисса хаварду.

Ттулмур пикри

Къабигъассар

зунттаву яхъун



Ттул, хаснува официал источникирттай, укунсса комментарийртту ккалай, дакІ зия хъанай дия. Цалчин, курчІилсса инсантураша зунттаву яхъун къашайссар. КІайксса хъунисса марххалтту бувсса чІалай бунува, ккашил къиялул ризкыи литІлай чІалай бунува, инсантурал къюву лагъ дуванмур бусаяр, хъанай бухъурча кумаг буваар, кумаг бан къаччай бухъурчагу чІарах лагаар, «лазуни заллухъруннал ишири» тІий, экспертшиву дуллан ссан аьркинссар? Къини дурксса чІун – экспертшиву дай чІун дакъар. Цал инсантал балалува буккан битан аьркинссар, ччурччу дикІуйн цІу къабичлай. Бувсса кумагу лахъуни хІалану бувну щин ччиссар? Бигъашивуртту дусса шагъурдайгу къутІ бивкІун, зунттавуминнан лахъхъин булланнын, цал пикри буваара: инсантал ххалайн буккан битайсса гъи дияв, хІаллил чІумал гъарагъисса-гъарай, бувцусса ххуллу къакъан къабитлай, буххин къабитлай, азурда бувна инсантал. Бувцуми сайки аьлла-

«Илчилул» штатрай акъасса корреспондент Арсен Аьддуллаев ххалал ккипру ттуккуй ххилай

лисса кІанттугума бия.

На зунттавура бувсса, хъунма хъусса. Лув-ялув ножмардий марххалтту буллалисса чІумал, дурми луртанну дарсуну лагайссар. Мукунни хъусса ва ххуллухъу.

Чиннияр цанмар цала ризкыи ххирасса ризкыичитурангу. Яттих, гъаттарайх, дучрайх дурксса къини чІалай, марххалттал бакІавун бахълаглай бунува, гъаксса яхІ буллай бия инсантал. Тгун кІулли, мотоциклетирттай ххалал ккипру ххилай жагъилтурал хъхурду уттара дуршиву. Бунал бакъанан ххуллуву буллай, кумагругу буллай балалувагу буккантиссару.

Зунттурдува ччех бикІ-лакІисса ва захІмат-жапасса ппурттуву зунттаву яхъанай, зий, захІмат буллай, буттал кІану ябуллагалиннан ссавургу, хъинмургу чІа тІий бура.

ПатІимат РАМАЗАНОВА

Букканхъуви ххуллурдугу

Апрельданул 13-нийн Дагъ-Аусттаннал бакІчи Сергей Меликовлул республикалийсса тагъарданува агъали цукун буклай буссарив ххал бигълагъисса оперштабрал заседание дунни.

Ваний гуртту хъунни вай гъантрай республикалий зараллу хъусса кІанттурдайн биллай, къини дуркминнашал хъуна-бакълай зузисса Аьрасатнал президентнал СКФО-лийсса полпред МахІаммад Рамазанов ва Аьрасатнал МЧС-рал хъунаманал хъиривчу Алексей Кострубицкийгу.

Аьмну республикалийсса тагъардания бувсунни вице-премьер Рамазан Жъяпаровлул. Шагъурдал ва районнал хъуниминнал бувсунни цацара цу-

кусса тагъар дуссарив.

Ккуллал райондалийсса тагъарданул хІакъиравусса информация укунсса бур: сайки циняв шяраваллавун машинартту лагайсса ххуллурду бувккун бур, мобиль связь зий дур, чанигу бур гъарца шяраву.

ЛакІунтту дурцун ххуллурдай дайдишишу дусса кІанттай техникагу, агъалигу зий бур. Ккуллал шяраву хъуннасса лахІуни ялун дагъан нанисса нигъачІаву дусса 9 къатлул агълу цамур кІанайн бизан бувну бур. Зарал бивну бур 100-нния ливчусса къатран. Бюхтулнийн, архнийсса ряхра фермалийн ххуллу буккан бувану бур, бакъавцІуну зий бусса бур.

ПатІимат РАМАЗАНОВА

Буттахъал аьдатуру дуручлай

Уттигъанну ца мукусса байран хьунни ГьунчукъатИрал шяравугу. Ва ххуллукъ хьув уклакисса Хьузала ия ГьунчукъатИрал школалий оьрмулукун зий ивкИсса учитель Исубуттаев АбдулХамидлул ва Багьдал арс АхИмад. Ванал лагма лавгун бия къутанная, шагьурдая бивкИсса уссур-ссу, гьан-маччами, шяраваллил ххаллилсса жямат, дустал-гьалмахтал.

КЮрххицунмай ккунукирттал ххунчИайн бисмиллагьу бивну, дукьрахангил къурттигу хIавчIун, дуаьрдугу дуллаи, Карашрал гаражрал ялтту чулийсса ГьунчукъатИрал хьуруннайн бавчуна агьали. ГьунчукъатИрал гьармудангу чайри шайсса хьарас. Ва ххуллукъу бия чугу, тгуккугу чIюлу бивну. Аьршаравун бивчусса гьаннарал КЮрхру чяни дучIан, аьдатрайн бивну, Хьузала атил уллай, хIаз ласлай булукьуна цинявпагу. Хьузалацал хьарасрал кIамайму бугьлай, ла-яла аьршаравун хьарас къутИин дуллаи, интнил ссихI, аьршарал къанкъ лагма-ялтту ппив дуллаи бия жагьи-жугьулт. Биллсса захIматгу бивхьуну, дялахьру дан хьунмур хьар цийна ларсьсса чугу бигьалаган итабавкьуну, байбивхьуна спортрал тIуркIурду: дучри хьяххан баву,

Гьарца шинах кунма, Лакку билаятрай, шяраваллаву буллаи бур ххаллилсса мажлису къурув буклакисса байраннан хасну. Ва аьдатгу, хьиннура ягин хьурча дакъа, лагьмак хьанай дакъар. Хьуругу бивхьу лачIал палца тIуннав, къурдугу нувши-къурул, пархIутIал къункьал ларсун нанисса къинирду дучIаннав чьясса мутталий!



арамтал ва хьами, оьрчIру ва душру бьастлий лечин баву.

Ахттакьунмай дукрардал гьагьавайсса ссупралукун бавтIна Хьунил хьатIуйн бивкИсса жямат ва хьамал. Тямадашиву дуллаи ия Зиябуттин ХIажимирзаев. Мажлис бачИи хьувкун, цайвасса буржугу лавхьун, АхИмад Исубуттаевлул хьирив къуру тапшур бив-

на ялунчIил хьув уккансса хьузалайн – Аьбдуллагьлул арс МахIаммад МахIаммадовлуин. Барачатну лавсьсса къуру хьуннав!

Махьру лахьлай, байайрду тIий, тяхьшивуртту лахьи ларгуна хьхьудиядизаннин.

Гьар-гьарагьи даркьусса, авадансса, дюрхьусса шин хьуннав! Дангу, дукангу цIуллушиву



дулуннав! Зунна дитангу, чин дулунгу буюхьлай личIаннав! Дурцири дуаьрду Заннал къамул даннав! Дуниялгу паракьатну, къисматту

гьарзану, цIуллу-цIакьну яхьанан цума-цаннахьхьунгу Заннал тавпикь дулуннав!

Руслан КЪАРДАШОВ

Творчествалул ххуллий 50 шин

Ванал проектирдайну бивну бур патир «Приморская», оьрчIал спортрал школа ва цаймигу. Ванал каялушиврий хIадур дурну дур «Схема развития и размещения объектов туризма в Дагестанской АССР» тIисса элмийсса проекту.

1984-1988 шиннарди бивкуну бур аспирантура МАР-ХИ, микку ванал дурурччуну дур кандидатшиврул диссертация: «Архитектурно-композиционные закономерности формирования поселений в горном ландшафте». 1988-1989 шиннарди зий ивкIун ур элму ахттар даврил, педагогал ва проекту бартдигьаврил давурттаха СССР-данул Элмурдал Академиялул Дагьусттаннал филиалдану. Ванал дур цаппара элмийсса публикациярттугу. Кь. Каримов проекту хIадур дуллаи ивкIун ур 1989 шинная шинай цува заллусса архитектуралул мастерскойлуву. Ва хIарачат буллаи ур ттинияр тихунмайгу ябуван архитектуралул ирс, дузал дуван жула къултуралул ляличIишиврул образру. Яла-яла, ва шалуну чIалай дур Гьуниннал райондалий дурсса «Ватан» мемориалданул проектраву. Ва мемориал дурну дур Надир-шагьнал аьралуннашлсса талатавриву Дагьусттаннал ополченатурал ххувшаву ларсьсса кIанай. Мемориал дурну диркIссар 2011 шинал Дагьусттаннал Миллатирттал цашиврул къинилун хас дурну. Ва мемориалданун бившуссар хьунмасса къимат – «Камень в архитектуре 21 века .Традиции и новаторство» тIисса Шалагу Аьрасатнал смотр-конкурсрай Москвалив дулуну дур Цалчинмур премия ва Цалчинмур даражалул диплом, «Зодчество

Жарулагьлул арс КьурбанмахIаммад Каримов уну ур 1951 шинал УзбакIнал ССР-данул Бухардал областьрай Каган шагьрулий. Дянивмур даражалул школа къуртал бивну бур 1968 шинал Гьумук арцул медальданий. 1976 шинал Москвавуллар архитектуралул институт бивккуну махь 8 шинай зий ивкIун ур МахIачкьалалив «Дагражданпроект» институтраву.



– 2024» тIисса дунияллул халкъуннал дянивсса фестивальданий – Арцул диплом, Аьрасатнал Архитектуралул ва строительствалул элмурдал академиялул Диплом (2007 ш.).

«Ватан» мемориалданун ва Кь. Каримовлул дурсса цаймигу проектирдан цалчинмур даражалул диплому булуну бур 2015 шинал Ухсавнил Кьавказулул ва Кьиблалул Аьрасатнал фестивальданий.

КьурбанмахIаммад Каримовлул дуллаи ур мукунна ттизаманлул къатрал ва комплексирттал проекту. Ванал дурну дур МахIачкьалалал хьун мизитрал проекту, 3-5 зивулийсса къатрал проекту, МахIачкьалалив ХIамзатовлул проспектрайсса хьуни къатрал проекту, МахIачкьалалив 280 инсаннансса кIану бусса 10 зиву-

лийсса патир, Каспийск шагьрулий Приморский паркираву культуралул центр «Дагестан». Кь.Каримов ур МахIачкьалалив Тарки-Тау зунттуясса «Белые журавли» архитектуралул мемориалданул автор.

Ялагу Каримовлул дурну дур чIярусса проекту МахIачкьалалив, Каспийскалийгу, цайми кIанттурдайгу.

1999-2009 ш.ш. Кь.Керимов зий ивкIун ур МахIачкьалалал Администрациялул архитектуралул ва градостроительствалул управлениялул хьунаманал хьиривчуну, га чIумал ванал тамансса захIмат бивхьуну бур шагьрулул Генеральный план хIадур давривугу, га дузрайн дуккан дангу.

КьурбанмахIаммад Каримов зий ивкIссар мукуна жяматийсса давурттайгу. 1981



ЧIюйрдал комплекс «Андаал»

шинная шинай – Аьрасатнал Архитектортурал союзрал член, 1995–2000 шиннарди – АьФдул Архитектортурал союзрал Дагьусттаннал сакиншиндарал правлениялул бакIчи. Ва хьанхьиссар МахIачкьалалал Администрациялул Иасса Градостроительствалул советрал членгу.

ЗахIматраву ва творчествалуву хьун дурсса хьхьичIуннайшивурттахлу Кь.Каримов лайкь хьуну ур «Заслуженный деятель искусств Республики Дагестан», «Почетный архитектор Республики Дагестан» тIисса ХIурматрал цIардан. Ванан дулуну дур ДР-лул паччахIугьрал премия «Ватан» тIисса мемориалданул архитектура даврихлу, ДР-лул президентнал цIа чирчусса ссят, МахIачкьалалал админи-

страциялул ХIурматрал грамотартту.

Кь. Каримовлул творчествалул давурттан лавайсса къимат бившуну бур Аьрасатнал ва Ухсавнил Кьавказулул архитектуралул сообществалул. Ванан дулуну дур «За верность содружеству зодчих», «XXX лет Союзу архитекторов России» тIисса медальту. 2023 шинал КьурбанмахIаммад Каримовлул дулуну дур «За высокое зодческое мастерство» тIисса В. И. Баженовлул цIанийсса медаль. Ва медаль хьанхьиссар ванал давурттан бившусса къиматиртта-васса ца яла буюхттулмурну.

ЦIанагу Кь. Каримов дакI тIайлану ур цала пишалийн, зий ур пашава шайсса хIарачат буллаи, цIусса проектирдаха.

ХIадур бивссар ХИ. АЬДИЛОВЛУЛ

«На ванил ца кьадрулий зумух ласара»

1983-ку шинал ттул насрулийсса назмурду риршуна, аьпа биву, Казбек Мазаевлул цува редакторну зуисса «Душви» альманахрай. Гай ттулла чичурду ларсун увкIун унува, Казбеклул кабинетравун (гиву цаймигу мазурдий буккайсса альманахиртгал редакторталгу бия) ялун увхуна МахIаммад-Загьид Аминов.

Ттул назмурду Казбеклул МахIаммад-Загьидлухьхунгу дуккин дуллауна. Гайннувату мукьра назму личИ дуруна гана.

Гана гай назмурду хьуссар цалчин журналданий риршусса ттул чичурдуну. Гания махь Казбек Мазаевлул, Руслан Башаевлул, Ссугьури Увайсовлулгу ришайва журналлай. На вайннайнгу мудана барчаллагьрай уссара.

1991-ку шинал, цIунил дуньяллийн буклан бивкIсса «Илчи» кказитрал редакторну бивтуна, ттунма ганиннин бувагу цал ккавккун бивкIсса, Качар ХIусайнаева. Ттун кIулссия мукунма, га ттунагу ххирасса шаэр Абачара ХIусайнаевлул душ бушиву. «Илчи» буклан бивкIсса шиннардий на яхъанайгу, зийгу уссияв Дарбантлив. Тичча гьан дайссия жула кказитрайн мюрши-хьунисса макьаларттугу.

Яла, цаппара шиннардива, гьанну кIул хьуссияв Качардушчал. Му ишгу хьуна укун. На ганиннина чирчуссия Лазгьиял театрду бивхьусса «Жула лагмасса филиаллу» тIисса пьесалиясса



Качар ХIусайнаева

макьала. Ца ппурттуву лавгссияв «Илчи» кказитрал редакциялийн. Ттун тикку нара чирчусса макьала ххал дуллай бакIрайн багьуна Тамара Шарипова (уттисса Лакрал радиолул редактор Тамара Закарьяева). На ганичIа кабинетраву шяивкIун унува, ялун бивххуна Качар. Га дия гьинтнил кьини. Качардуй бия кахри лахьисса, рангсса тIутIив дусса гьухьа. Микку на махIаттал увса иш ци бия учирча, ганил цила бакIрайсса чIара дия ранг кьадурну, лях-карахсса кIяласса чIара гукунна диртун. Му иширал на, явара, ххари увунав. Циван учирча, зунтгал шяраву яхъанахьисса хьаннилува бакIрайсса чIара ранг дувайсса замана бунува, ганил цилами кIиз бусса кьядалий бивтун бушиву ттун тIаан бивзуна.

«Му цу ур?», – кусса суалданухун Тамарал бивсуна, ва

Дарбантлиясса, жула кказитрайн макьаларттугу чичлачисса ХIажимурад ушиву. Тамарачалсса ихтилат кьуртал хьувкун: «ТтучIан кабинетравунгу ухху», – куну, Качар лавгуна.

Гай дия жиливу дишай телефонну, смартфонну, компьютерду буккан бувасса шинну. На ттула макьаларттугу, цал каник чирчуну, яла шаппасса машинкалий ришайссия. Гьай-гьай, ттун багьайва риршуну махь гьалатIру бухьурча, кIилчингу марцIну ришлан. Му иш хIисав хьухьуниссия, на кабинетравун уххайту, ганил ттуяту ца дуруна: «Вил макьалартту ХIажимурад, хIадурнасса дикIай. Вайминналсса бакI-магь личИ дуван кьахъанай, жун мадара захIмат буван багьлан бикIай», – куну. Цири яла аьркинсса чичурду дувайсса инсаннан, цаяра укунсса ца даврияр ххисса? Хьуна жул дянив лахь бакьасса ихтилат. Га кьини, цамур чIумалгу, ттун Качардул макьалартту чичлансса чагьардугу, ми гьан дуллансса конвертругу булайва. Валлагь-биллагь, на чирчусса царагу макьала лях гьан кьадиртун, ришайва кказитиртай. Нагу, ттухава буллалисса ХIурматгу зия хьун кьабивтун «Илчи» кказит чичайссия. Дарбантуллал даралувусса инсантурал сияхI гьаз дуван хIарачат байссия. Тийх яхъанахьисса, ка кIидахIин махьаллил бакьасса лакрал, ттушала душиву дусса чиваркIуннал, чичайва, цанма бакьа, цайминнангу «Илчи». Мукунсса инсантуравух бикIайва Хьусрачатусса МахIаммадов

Рамазан, ЧIайннал шяравасса Кьадиев Шамил ва цаймигу. Ца ппурттуву Дарбантливсса «Шир-ширтIи чахирданул» заводрал директорналгума дуллауна ттухьхун 50 «Илчи» кказит чичинсса харжлугь. «На лаккучунал цIивккунна. Чув бурвав ва кунмасса жул ярусса?» – тIисса, хьярчирайсса махьругума бивкунна танал зумату.

2005-ку шинал, кказитрал штатрайсса корреспондентнугу кьамул увунав на, ттул диплом филологиялул кIулшивручIату хьинну архсса, гидромелиораторнал кIулшиву ларьсса бивкIхьурчагу.

Дарбантуллал даралувусса лакрачалсса дахIаву дакьассагу, ттул дахIаву дуссия Кьизлардал даралувуминнашалгу. Лагайссияв гьарца шинах гийхсса лакрал ялтту уккан, «Илчи» чичин буван. Ттушца бюхъайва 200-ннийн бивсса кказитиртал подписка дуван гьарца шинах. Гьай-гьай, на гай лакраятугу макьаларттугу чичайссия. Чара бакьа кIицI буван ччива ттунма хьинну кумаг буллай бивкIсса, гийх ялапар хъанахьисса, Вихьуллал шяравасса чиваркI. Циньяннал цIарду кIицI кьадуварчагу, цанналссарив кIицI кьадурну ритан кьахьунссар – ттула ссурахьил, аьпалул хьусса КIурухьал Аьлиханнул ца. Га цувагу Рыбалка тIисса шяраву ялапаргу хъанай, школалул директорну зийгу уссия.

Ца чIумал ттуин Качардул цила кабинетравун овькуна: «Ургу, уссай ХIажимурад, ттун бавунни ина Вихьлив ялапар

хъанан най ушиву. Ина кIий кьатригу дуллай усса ура. Агарда му иш мукун бухьурча, жу ина кьамул анну Ккуллал райондайсса «Илчи» кказитрал корреспондентну». Буниялагу, 2012-ку шинал декабрьданий на ивзссияв Вихьлив – ттула буттал шяравун.

Корреспондентну зий ца шин шайхту, ттул даврин кьимат бишлай, МахIачкьалалив учIан увну, «Журналистьтурал балданий» министерствалул чулуха грамотагума дуллауна ттун. Ккуллал райондалул бакIчи, аьпа биву, Сяид Сулаймановлул ттун телевизор бахшиш бувуна. Гьай-гьай, ттула даврин кьимат бишаву ттун хьинну асар хьуна, хьиннура чIарусса макьалартту чичлансса гьира багьуна. Корреспондентну зий на дурссар 17 шин. 2022-ку шинал ссуттихунай нава рязину даврия увкьссияв. Ттул овьмулул 74 шин хьуну дия. Му чIумал «Илчи» кказитрал хьунама редакторну зуисса Руслан Башаевлул ттуин Вихьлив овькуну: «Жу вин цал кIива зуруйсса отпуск буллай буру. Яла гания гихунай вина ччарча, гьансара давриягу, кьаччарчагу, кьагьанссара», – куну.

Ва ттула макьала Качар бувсса кьинилун хасну чичлай ивкIхьурчагу, хьунмурчIин ттуятурасса хьурив кьакулли. Цукун бухьурчагу, на мудангу Качардуйн барчаллагьрай уссара. Ина ттун, Качар, ччарну хьуссара ва овьмулулу. Шуллуну битаннав ина Заннал!

ХIажимурад ХIУСАЙНОВ,
ш. Вихьул

Нураттин Юсуповлул юбилейран хасну

Апрельданул 9-нийн МахIачкьалалив, Поэзиялул театрдуву, машгьурсса чичу, таржумачи, сценарист Нураттин Юсуповлул 95 шинал юбилейран хас дурсса аьпалул вечер дунни. Ванил сиптачитал ва сакиншинначиталгу бия Нураттин Юсуповлул цанийсса Республикалул овьрчIансса библиотеке ва Дагьусттаннал Чичултрал союз. Дайдихьу дуллалисса хьхьичIмукьуву Поэзиялул театрдулул директор Елена Гьаруновал бавтIцири барча буллай, кIицI лавгуна Нураттин Юсуповлул творчествалул кьимат мудангу лахьсса бивкIшиву ва ванал шеьрирдай уттигу цимирагу ник тарбия хьунтIшиву.

Вечер дачин дурну бия Дагьусттаннал Чичултрал союзрал председател Марина АхIмадова-Колубакина. Ванил кIицI лавгуна Нураттин Юсупов шалагу Совет Союзрай цила чIумал овьрчIансса шаэртураву ца яла машгьурма ва хьхьичIунма ивкIшиву, Дальний Востокрай, Узбекистаннай, гьар кIанай ванал луттирду ккалай бивкIшиву.

«Ттул хьуннасса ххаришиву дур залданува чIявусса овьрчIру чIалай. ХIакьсса дагьусттанлул таллу зу, Дагьусттаннал литература ххирасса, муния хавар бусса бунутIий. ОвьрчIан луттирдахсса ччаву рулатисса библиотекалаунгу багьавайри Нураттин Юсуповлул ца дирзсса, лайкь-



ссар укунсагу, ванияр хьунмургу хIурматран», – увкунни ванил.

Нураттин Юсуповлул овьмулул ххуллия ва творчествалия бусласисса, уттизаманнул технологиялул кумаграйну хIасул дурсса документал журалул видеофильму ккаккан дунни.

КIицI лавгсса библиотекалул директор СолтIанат Загьидовал бувсунни Нураттин Юсуповлул творчествалун лахьсса кьимат бившушиву машгьурсса чичултрал: Корней Чуковскийл, Сергей Михалковлул, Агния Бар-

тол, Валентин Берестовлул, Расул ХIамзатовлул. Бувсунни шаэрнал назмурду дуньялул халкьуннал тамансса мазурдийн таржума дурну душиву ва ванал сценариярдайн бувну хьюра киносурат ларшиву.

«Нураттин Юсуповлул лакку мазрайн таржума бувссар М. Лермонтовлул, В.Короленко, А. Чеховлул А. Пушкинлул, С. Есенинлул, Батырайл ва цаймигу чичултрал произведенияртту. Лайкь хьуссар Н. Крупскаял цанийсса ПаччахIлугьрал премиялул, РСФСР-данул чичултрал ва

Сулайман Стальскийл цанийсса республикалул премиялул», – увкунни ванил. Бувсунни гьашину февральданул 20-ннийн мартрал 20-ннийн най диркIшиву шаэрнал юбилейран хас дурсса Всероссийский Юсуповский диктант, ванил лагрулий гьуртту хьуминнал Нураттин Юсуповлул творчествалул хIакьиравусса суаллахьхун жавабру дулулушиву. КIицI лавгунни гьуртту хьуминнал географиягу авадансса бивкIшиву, аьмну 1800 инсан гьуртту хьушиву. Шаэрнашалсса душиврия ва даврия бувсунни халкьуннал шаэр Мирза

Давьдовлул, творчествалия бувсунни «Илчилул» хьунама редактор Руслан Кьардашовлул.

Махьру лавхьунни Дагьусттаннал Чичултрал союзрал лакрал секциялул каялувчи Супийн Оьмаровлул, кьумукьналмур секциялул хьунама Багьауттин Аджиевлул, даргиялмур секциялул хьунама Муса БахIаммадовлул ва цайминналгу. Оьрус ва лакку мазурдийсса назмурду дурккунни МахIачкьалалал 39-мур школалул дуклаки душру Мудунова Самиял ва Рабаданова Амирал, 71-мур школалул дуклаки овьрчI Макьаев Аьлиллул, ДГУ-лул культуралул факультетрал студентка ХIасанова Дианал. Дагьусттаннал Ссихьрал театрдулул литературалул «Креатив» тIисса клубрал шаэрнал произведениялийн бувсса постановка ккаккан бунни. Вайннал каялувчи бур Злата Шамхалаева.

Ниттил мазрай дурккунни назмурду Ися Аьбдуллаевлул цанийсса Лакку мазрал централул ученикурал: Гаммацаева Амирал, Сагидова Дианал, Рамазанова Кабиратлул ва Оьмарова Шагьуннул. Бивкунни сахIналийн назму дуккин Нураттин Юсуповлул арснал арснал душ Марьянгу. Ахирданий юбилейрал арснал овьрчI Нураттин Юсуповлул барчаллагь увкунни лавайсса даражалый мероприятие тIайла дуккан хIарачат бувцириннахь ва залдануван бавтIцириннахь.

ПатIимат РАМАЗАНОВА

Махачкьалалив, Р. Хамза-товлул цIанийсса Национал библиотекалуву, бюхттулсса даражалий хьунни цIанихсса шаэр ва педагог, хIакьсса патриот Даниял Магьдиевлун 80 шин шаврин хас дурсса аьпалул вечер.

Райондалийгу, республикалийгу ххуйну кIулсса, жяматран бусравсса, хьунаначIагу, чIивиначIагу хIурмат хьунмасса Даниял дакIнин утан бувкIун бия жяматийсса ишккакулт, творчествалул агьлу, ванал даврил уртакьтал ва выпускниктал, дустан, гьан-маччами. Мероприятие дайдишин хьхичI экрандалий ккаккан дунни Даниял цала шеьри ккалаккисса ролик. Миллатрал библиотекалул хьунананал хьиривмур Сарат Жабраиловал: «Добро пожаловать, Даниял Магомедалиевич» куну, мажлис тIитIайхту, шап куну бувIусса библиотекалул зал кьакьбагьвай хьатру ришлай бия.

– Даниял МахIаммадаьлиевич ия бюхттулсса инсан. Ва жул библиотекалувусса чIярусса мероприятиярттай гьуртту шайссия. Даниял библиотекалауун ухайхту, 1-мур зивулия 6-чиммунийн бияннин шалва библиотека, рухI дуркIсса кунма, чантI учайва. ЧIугу, чIалачIингу ляличIисса дия. Ванал чIу баяйхту, циньявпа кабинетирттава бувкун, яхши-хаш буллан бикIайва, ванал бусласимуних гьирарай вичIи дишайва. Га ия яргсса, кьуват бусса, мурлу хьусса инсан, – увкунни Сарат Абдуллаевнал ва тапшур бунни гихунмайсса мажлис бачин бан Дагьусттаннал Чичултрал союзрал хьунананал хьиривчу, лакрал секциялул хьунама Супиян Омьаровлуйн.

Даниял Магьдиевлул творчествалия гьарта-гьарзану бусласисса, мунин лахьсса кьимат бишлашисса ихтилат бунни жяматийсса ишккаку Шалласу Шалласуевлул. Мукунма лахьсса кьимат бившунни ванал Ккурккуллал шяраву бактассагу, шалагу райондалий патриот тарбиялул ххулий Данияллул дурсса хьуннасса даврин, кIицI лавгунни ванал сипталий Ккурккуллал шярава дайди хьу дуршиву «БивкIу бактасса полк» акциялул, шинчIав дакIнин багьаннин му пикри ванан дакIнин багьну бивкIшиву.

Шаэрнал захIматрал ва творчествалул ххулийсса лайкьшивурттава бувсунни Дагьусттаннал халкьуннал шаэр Мирза Давыдовлул. Данияллушалсса арардая, дусшиврия бусласисса, ванацIун бавхIусса лахIзарду дакIнин бичлачисса ихтилатру бунни Дагьусттаннал Жяматийсса палаталул хьунананал хьиривчу Сапарбаг Абдуллаевлул, Дагьусттаннал халкьуннал виричу, генерал Муслим Даххаевлул, паччахIлугьрал ишккаку, Дагьусттаннал бакIчиначIасса Хьунилсриннал советрал вакил Рапи Абакаровлул, чичу, гьанчу Аьвдуссалан Магьдиевлул, Лакрал райондалул Халкьуннал Мажлисрал депутат Ясупа ХIамзаевлул, «Илчи» кказитрал хьунама редактор Руслан Кьардашовлул, «Файт Найтс Глобал» ООО-лул президент, гьанчув Камил ХIажиевлул, шаэр Ханича Аьлиевал. Даниял Магьдиевлулун бавхIусса ишру дакIнин бичлачисса гьавасрай-

Мудан дакIний икIантIиссар



са ихтилат бунни дус Аслан Кьажлаевлул. Данияллу дакIнин увтун, ванал шеьри бувккунни, ванал ученица Ангелина Аьлиевал. Ттула учитель ва руководитель дакIнин утлатисса ихтилат бав нагу, «Илчи» кказитрал отделданул редактор Андриана Аьбуллаевал.

Жул класс Даниял МахIаммадаьлиевичлул цалчинсса выпускри. Ттунма хьунмасса бахтти хьушиврун ккалли бара ваначIа дуклан ва ванал каялувшиндаралу зун кьисмат шаву. Учитель хIисаврайгу, директор хIисаврайгу Даниял МахIаммадаьлиевичлул ца агьамсса кIану бувгьуссар ттул

оьрмулуву. Навагу, ттушалва архIал дуклай бивкIмигу хьунабавкьусса, чув-бунугу бавтIсса кIантурдай, жумудангу дакIнин утайссар жула ххирасса учитель.

Данияллул ца дирзсса арнал оьрчIал, чIиви Даниял Магьдиевлул, дурккунни ттаттан хас дурсса назму. Ва кьинисса мероприятиялий Данияллул шеьрирду бувкIун хIадур бувсса Ккурккуллал школалул дуклаки оьрчIаша бучIан кьавхьунни лахIунтту дагьну, ххулу лавкьуну бушиврийн бувну. Учительтал Данияллул хас дурсса мероприятие школалийгу дан дакIний бур.

Данияллул аьпалул мажлисрай циньявпагу ихтилатчитал кIицI лаглай бия ванал оьрчIру тарбия баврил ххулий бивхьусса захIмат, ванал инсаншиву, чумартшиву, мюхтажнал чIарав ацIан, кумаг бан хIадурсса ивкIшиву.

– Цамуния кьатIурчагума, мукьцаллихьайсса шиннардий школалий дарс дихьлай, 35 шиннай директоршиву дуллай, циксса оьрчIру кIулушивуртту ва тарбия дулуну, тIайласса оьрмулул ххулийн бивчуну бур Данияллул. Циксса ванал учениктал бур лакрал, Дагьусттаннал ца бюхттул дуллай шалагу дунялийх ппив хьуну. Мугу дакьарив

Данияллул лайкьшивурттавацца. Даниял гьалгьа тIисса чIумал инсаннал чурххавун зурзу багьайва, га ччимур кьучагьшиву дан хIадурну икIайва. Нава ванашал хьиннува хьунмасса хIаллай кIулу кьаикIаврия пашманну икIара, – увкунни Муслим Даххаевлул цала ихтилатраву.

Цумурцагу лахьазан лархьсса адаминал ттиликIрах цIакьсса, дакI тIайласса хьамитайпа буссар учай. Данияллул дакI тIайласса оьрмулул дусну кьусса ванал кулпатрал Анисатлул лайкьшивурттугу ва кьини гьарма кIицI лаглай ия. Акьяа шикку цаягу Данияллул кьушлийн кьавухьсса, Анисатлул ненттабакI тIивтIуну хьамалу кьавусса.

Даниял ххирасса икIайва циньяннан, Дагьусттаннал эстрадалул артистьтурангу. Ва мероприятиялия гьалгьа тIий байбивхьусса чIумалва, ванал мажлис хьун бан, тяхьа бан хIадурну буссия мигу. Амма ва жула Дагьусттаннал ялун бивсса пашманмур бутIа бувкун бан багьуна вечерданул программалува.

Ихтилатру кьуртал хьуну махь Данияллул аьпалу хьун лавгсса цала дустану хас бувну чивчусса балай увкунни ванал шяравудуш Айна Исмялиевал.

Ахирданий арнал Робертлул дакIнийхтуну барчаллагь увкунни, цала ппу дакIнин утан, ванал мажлисрай гьуртту хьун бувкIсса циньяннахь.

Ххирассия Данияллул цанма мажлисругу, мажлисрал залу лахьа-хьун ангу. Цува хьунасса инсаннали цама хьун айсса, цама оькки увну, жува ххуй кьашайсару, – тIун икIайссия ва, цахьва гьарцанная цIарду мадуларда тIутIиминнахь. Мукунсса уссия жул Даниял МахIаммадаьлиевич. Ккурккуллал жяматран, дустану, даврил уртакьтуран, учениктуран ва тачIав хьама кьаитантIиссар.

Андриана Аьбдуллаева

«Илчилул» календарь

Ва зуруй бувссар:

Апрель зурул 22-нний 1958 шинал увссар ДР-лул МВД-лул министр, генерал-лейтенант **Абдурашид Махаммадов.**

Апрель зурул 23-нний 1953 шинал увссар АФ-лул Хурмат лавайсса энергетик **Абдулхалик Халикьов.**

СЛУЖБА ПО КОНТРАКТУ

НОВЫЕ УСЛОВИЯ

до 31 марта

2 млн руб. – от РД через Полк резерва

Единовременная выплата

2,5–2,9 млн ₽*

Зарплата
от 210 тыс ₽400 т.р. – РФ,
от 100 до 500 т.р. – от муниципалитета

Контрактрайну абралуннаву кзуллулугъ буллан къамул буллай бур

Контракт чирчусса республикалул ялапарлувтуран дулайсар 2,8 млн кзуруш цалархал:

500 000 кзуруш – Дагусттан Республикалул чулухату;
1,5 млн кзуруш - Дагусттан Республикалул чулухату махъун бивтур полкравун контракт чирчуминнан;
400 000 кзуруш – федерал бюджетравату;
300 000 кзурушрар квачансса – шагъурдал ва районнал чулухату.

Контрактникнал харж – 210 азарда кзуруш зуруй.

СОЦИАЛ ХАЛЛИХШИННУ ВА ГАРАНТИЯРТТУ:

- бюхлай бур ччани къатри ласун Аьрасатнал Обороналул министерствалул счетрайну накопительно-ипотечный системалийхчил;
- кзуллулугърал къатри дулайссар ягу лаякъатрахлу лахъаву (компенсация) дайссар;
- Абралуннал медициналул азарханадий уква ххал увайссар, хъин айссар ва реабилитациялий итайссар;
- Федерал бюджетрал счетрайну оьрмулул ва цуллау-сагъшиврул страхование дайссар;
- 20 шинайсса кзуллулугъ буну махъ халлихшиндарал (льготная) пенсиялийн уккайссар;
- талатавил иширттал ветераннал статусгу, мунин хасъсса халлихшиннугу ккаккан дайссар;
- Аьрасатнал Федерациялул субъектирдал цал дулайсса ялун ххи дурсса арцу (единые дополнительные выплаты) ва гарантиартту контрактрайну кзуллулугъ булламиннан;
- кредитрал ва налогирттал каникуллу;
- оьрчйру вузирдаву дуклаки булансса бюджетрал квантурду;
- контрактниктуран ябайссар цивппа зий бивкисса зузи квантурду;
- оьрчйру уква бигъалаган тлайла буккайссар цуллаушиву цакъ дайсса гъинтил лагердайн.

Аьралуннаву кзуллулугъ буллан язи бугъайсса квантурду зий бур жула циняв шагъурдай ва районнай.

Дагусттаннай мукунсса клану: 8(989) 484- 69- 95;
ДР-лул Военкомат: 8(8722) 68-16-08.

Ялун нанисса ник тлайлану тарбия дан



Махъсса шиннардий шалагу Мреспубликалийгу, жула ларкрал шаннагу райондалигу хъуннасса кзулагъасрайн лавсун бур ялун нанисса ник Ватан ххирану тарбия даврил масъала. Чйрусса хъунни му мурадрайсса личиличисса мероприятиярттугу жула районнай.

Вай гъантрай Гъумук, апрельданул 8-нний кици лагайсса Аьралий комиссариатрал зузалтрал кьинилун хасну, Лакрал ва Ккуллал районнал цачйусса аьралий комиссариатрал сипталый ва сакиншиннарай, кйрагу райондалул школардал директортулугу кабакъулий хъунни аьралий комиссар, майор Аьли Гъазимахаммадовлул завалунсса спортралбъст-ччал. Военкоматрал къатрал хъхъичисса майданнив дартун дия районнал школардал командартту, аьмну 9 команда, военкоматрал зузалт, кйушивуртту дулаврил управлениялул вакилтал, школалул директортал ва учительтал. Бъст-ччаллу хъунни спортрал арулва жулалул.

Ми байбишин хъхъичи ихтилатру бунни аьралий комиссар Аьли Гъазимахаммадовлул, Чйиннал школалул директор Альбина Гаммакуевал, Кйундиннал школалул

директор Абакар Гуйдалаевлул, Ккуллал 1-мур школалул директор Махаммад Чариновлул, мероприятиялий гурттушинна дан оьвкусса хасъсса аьралий операциялул гурттуштурал.

Бюхансса ихтилат бунни Хъунайнал школалул директор, аьралий иширттал гурттучи Махаммад Хъунбуттаевлул. Кици лаган, хлакьину ванал кйагу арс буссар хасъсса аьралий операциялий Ватандалул мурадру бурчлай.

Бъст-ччалхъунни хъинну ягинсса. Гъарица жулалул бьст-ччаллил судьятал бия военкоматрал зузалт. Судьятурал хасиллаин буну, 1-мур клану булунни Ккуллал 1-мур школалул командалун, 2-мур - Ваччийл школалун, 3-мур – Гъумучийл школалун. Цинявпагу хъхъичунсса квантурду бугъуминнан булунни дипломру, медальлу, арцуйнусса бахшишуру ва багълул ххирасса ттупру. Ва мероприятия аьдатравун дуртун, гъарица шинах дулансса пикри бур сакиншинначитуран.

Ва кьини мероприятиялул лагрулий аьралий комиссарнал бусраврай дулунни хасъсса аьралий операциялий Ватандалул мурадру бурчлай, ятла-тлар бакъа

акъа хъусса Гъумучасса Айдамир Хажиевлул награда – медаль «За отвагу» – ванал бутгахъун Хажинахъхъун.

Аьралий комиссарнал барчалагъ увкунни Хажинахъ ххалилсса арс тарбия аврихлу, мукунма барчалагъ увкунни мероприятиялул сакиншинначитурлахъ. Кици лаган, мероприятие лавайсса даражалий тлайла дуккан хъунмур хъар лархъунни Лакрал ва Ккуллал цачйусса аьралий комиссариатрал призыврал ва аьралуннаву кзуллулугъ бан хладур баврил отделениялул хъунама Ажуб Юсуповлул.

Шиккува кици лаган, ва мероприятиялул хъхъичисса гъантрайгу Лакрал райондалул администрациялул актовый залдану 11-ми классирттал дуклаки оьрчйашал, кйрагу райондалул кйушивуртту дулаврил управлениярттугу гуртту хъуну, вайннал дурессия «Чушшиврул дарс» акция. Шиккугу ихтилатру хъуна Ватан ххирашиврия, хасъсса аьралий операциялий дагъусттанлувтурал ккаккан дуллалисса чувшиврия, цанасса чумал хъхъичи ххуттай бавйуну Ватандалул мурадру бурчлачминная.

Анриана АБДУЛЛАЕВА

Росгвардиялул зузалтрал кумаг бунни

Хасавюртулал райондалийсса шинавун ларгсса Адильотар шяраваллил жяматран кумаг бан бувкйунни «Скорпион-Каспий» ОМОНдалул зузалт.

Вайннал марци бунни кичиртту ва агъалинал къатри шин ялтту ларгун махъ цачйун хъусса ччюрклици, кумаг бунни инсантурал къатрава шин дуккан дан. Мукунма Росгвардиялул зузалтрал кабакъунни шяраваллил жяматран бувкисса гуманитар кумаг къамулугу буну, агъалинайх бачйин. Вайннал шалагу лавсун бувкйунни хлачйайсса шин ва дукия.

– Жула республикалийх захматсса кьини дурккунни. Укусса тагъарданий жула буржну чйалай бур волонтертура-



шал, цинявпагу даки цйуцисса Дагъусттаннал агъулданушал зарал бивсса халкъуннал чйарав бацйаву, – тий ур «Скорпион-

Каспий» ОМОНдалул хлаписар, полициялул подполковник Султан У.

Анриана АБДУЛЛАЕВА

Жагъилсса волонтер оьрмулуца хъунни

Мамедкъалалий хъусса балаллуя баяйхту, Геджух шяравасса 19 шинавуса Артем Михрабов мугълат бакъа лавгун ур балаллухъхъун биривминнал кумаг бан.

Микку зузисса чумал волонтернал бакйран захматсса

цйунция хъуну, вертолетрай Махачкъалалал азарханалийн увцуну ур. Амма жагъил ххассал ан къавхъуну бур.

Артем Михрабовлул нитти-буттачйан ивунни Дагъусттаннал жагъилтурал иширттал министр Камил Саэдов.

Ванал региондалул бакйчи Сергей Меликовлул цания жижарагу буну, бувсунни мунал тапшурлугърай кулпатран аьркинсса кумаг бантйишиву, Артемлул ичйувами цивппалу личйан къабитантйишиву.

Анриана АБДУЛЛАЕВА

Ряхва ятиннан нинушиву дурсса ХАбибат

Мероприятие титлай, иктилат бунни Национал библиотекалул хунаманал хъиривмур Сарат Жабраиловал.

– Ванияр 9-10 шинал хъхъичва «Шубарз» журналданий ттуйн бакрайн багына ХАбибат Магъдиевал шеъррду, тлаансса хъамитайпалул суратрачалсса. Библиотекалул зуалтрал мудар дусшиву дуссар чичултрашал, шаэртурасал. ХАбибатлул шеъррду асар хъуну, ва хъамитайпа уттинин ттунма чувчав къаккавксса циванни тий буссияв.

Вай гъантрай ХА. Магъдиевал цалчинсса лу бивкунни дуняллийн. Лугу барча буллай, ХАбибатлул тлайлабцугу чла тий, хъиндайди хъуннав тий бура, – увкунни Сарат Абдуллаевнал. Гихунмай мажлис бачин буну ия Дагъусттаннал Чичултрал союзрал хунаманал хъиривчу, лакрал секциялул хунама Супиян Омаров.

Ванал бивсунни ХАбибат Магъдиевал оьрмулул ххуллия, бивкунни ванил шеъррдавасса бюххансса ххару.

ХАбибатлуя бусласисса, ванил шеъррдан кымат бишлашисса ихтилатру бунни Шушиннал школалул директор Шакират Абакаровал, вава школалул лакку мазрал учительница Умамат Багъирчаевал. Вайнал бивкунни ХАбибатлул шеъррду. Ихтилатру бунни Тлюхчардал школалул директор Шайхадмад Дадаевлул, Тлюхчардал шярваллил администрациялул бакчи Башир Алхулаевлул, «Илчи» кказитрал хунама редактор Руслан Къардашовлул, халасу Зухра Салаватовал, гъанчу Аьли Аьлиевлул, шаэртал Бахтгун Гъазиевал ва Къурбан Къурбановлул, шярвудуш, маччадуш Зульфийал.

– «Илчи» кказитрай, адабиятрал лажиндарай, чъа-чъани дуккайссар «Буккултрал назмурдава» тисса рубрика. Му рубрикалуву жучла кийла-шамийла дуркссар ХАбибатлул назмурдугу. Цанагу ттул хъхъич бур ванилгу, цайми буккултралгу назмурду дусса кказит. Миккусса кия авторнал, «Илчи» кказит барачат хъуну, цала шеъррдал жужру итабавкунни. Му ца луттирал презентациялий буру жува хАкъину. Уттиния тихунмайгу ххаллилсса шеъррдайну жува ххари буллансса цулушиву дулуннав ХАбибатлухъхъун, – увкунни Руслан Къардашовлул.

– ХАбибатлул шеъррдаву ттун ва цуппа чалай бур, аьч хъанай дур ванил буттал улкхусса, тлабаьтрахсса, гъарика инсаннахсса чъаву. ХАбибат килунан ххуйну килуссар ва цуксса чумартсса, дакинил авадансса инсан буссарив. Шагърулийсса чумал, жу, шярваллил жагъилтал, студентгал чъа-чъани буххайссияв ХАбибатхъаннийн. Жун килуссия ванил жува ххаллилу хъамалугу буну, нанийни канихъхъун ссайгъатгума буллуно, тлайла бивкуннишиву. Чъавуссаннал къабиклайссар мукун даки тиртуну буххан шайсса клану. Жун ина бивмур дакинийссар, – увкунни цала ихтилатраву Аьлиев Аьлил.

– Цумурагу хъатгун кымат

МахАчкъалалив, Р.ХАмзатовлул цанийсса Национал библиотекалул, лавха-хъунну хъунни «Жулва оьрму» тисса ХАбибат Магъдиевал шеъррдал луттирал презентация. Шикку гуртту хъун бивкун бия Цуссалакрал райондалул цуминалийсса школардал учительтал ва дуклаки оьрчлру, шярваллил бакчитал, авторнал дустал, гъан-маччами, ванил шеъррду ххирами.



бишлай, залухърунна лавхъусса бия учару жува. Ттунгу учин ччива хАкъину, залуннаха лавхъусса тлаансса, мажлис бур куну. Цинма лайкссар, цихава лавхъусса инсантал лагма лаган буну бур хАкъину ХАбибатлул. Ттул 19 шинни ХАбибат килуну. Ттул нитти-буттачлагу ванил хурмат хъунмасса биклайссия. На ххарину бура ттула арнал укун ххаллилсса килчинмур нину дуну тий, – увкунни Заира Салаватовал.

– Чъарусса шиннардий жул чАххуврай ялапар хъанай, ина жун нинушивугу, ссушивугу дурссар. Жу вил зумув бурувгун, ина увкумур буван хладурну биклайссия. Мукссава ина жун ххирасса биклайвав. Вица жун чъарусса затру лавхъуссар. Гъарналсса буллай, вил чун дакъая унгу-унгу творчествовалухун багъансса, вила гъунар итхъяххан бансса. Уттинин вил цимивагу лу бивкун бикланссия, – увкунни маччадуш Заза МахАмамадовал.

Хъирив ХАбибатлул шеърр бивкунни Тлюхчардал школалул дуклаки душнил.

Цинявпагу ихтилатчитал кийи лаглай бия ХАбибатлул узданшиву, чумартшиву, даки хъиншиву. Дакинин дутлай бия личи-личисса иширттаву ва цала чларав бавцусса члуну.

шеъррду чъавуми бур буттал улкхула, буттал къатлула, къариртсса шярваллиха. Му бивчлайгу бур. Гужирай бизан буну, мина даххана дан багъсса цуссалакрал жяматрал цуци клану, хАкъинусса кинигу хъин къашай шаву дур ва. Бюххансса, асар хъунсса бур ниттихасса шеъррду. Чъани нитти-буттая махлрум хъусса, ниттил аякъалух, цани-цайлух, нахлусса мукъух мюхтажнува ливчисса ХАбибатлул цила дакинил асарду ми шеъррдаву бивхъуну бур.

– Циксса чичларчагу, ниттия чичинмур ялагу лякъай. Ва дур ахир дакъасса тема, – учай цилагу.

Буну бур ХАбибат Цуссалакрал райондалийсса Тлюхчардал шярву, Чаяшатусса Худайнатлул ва Шушиннал шя-

равасса СалихАтлул кулпатраву. Шаннагу шарнил жяматрал ххуй-ххуйми хасиятру ларсун дур. Тлюхчардал школагу къуртал буну, ХАбибат бивххун бур Дарбантулал кулпросветучилишалувун. Къуртал буну бур лавайсса кыматирттай. ХАбибатлул 15 шин хъусса чумал, дуняллия лавгун ур ванил ппу. Ялун дирсса къумашиврул бас дурну, ца-кира шинава аьпалухъхъун ларгун дур нинугу. Цалчинсса лу цана, оьрмулул шинну ларгун махъ, итабакъирчагу, шеъррду чичлан бивкун бур ХАбибат школалий дуклакисса чумалва. Цила шеъррду ванил буккайсса бивкун бур Цуссалакрал Културалул къатлул ва школалул сахнардая. Ва хАкъинусса кинигу дакинин бутлан биклай таний хъусса ца ишгу. Ца фестивалданий ниттихасса шеърр калаккисса ХАбибат, нину дакинин дагъну, ссинкба тгун бивкун бур. Паракъатгу хъуну, шеърр буккайхту, хъювсул бивкун бур му асар хъусса тамашачитал. Тай шиннардий ХАбибатлул шеъррду мудар школалул чларал кказитрай бившуну биклайсса бивкун бур, ми цимилагу райондалул кказитрайгу бившуну бур.

1999-ку шинал, Цуссалакрал райондалий дяввилул ишру нанисса чумал, ттуплил ккул-

ла шуну, вайннал къатрацлх цу ларчлун дур. Му ппурттуву ХАбибатлул тамансса шеъррдугу ччувччуну бур.

Училище къуртал буну махъ, ХАбибат бивххун бур Москвалив Шалагу союзрал юридический заочный институтравун, амма шанма курс буккайхту, шар хъуну, къабитан багъну бур. Яла бивххун бур Дагъусттаннал университетрал филологиялул факультетрайн. Ца-кира шинай школалий дарс дихълай бивкун бур. Яла Машиностроительный заводрал библиотекалул хъунмурну зий бивкун бур.

ХАбибат Магъдиевал шеъррдан лавайсса кымат бишлай, Дагъусттаннал халкъуннал чичу Хизри Ильясов чичлай ур:

«ХАбибат Магъдиевал «Жулва оьрму» тисса жуж цуппа лагрулул чивисса бунугу, члан куртисса, шеъррдал жангри хлала бивсусса бур. Чалай бур ва профессионал шаэр бакъашиву, амма, бюхъай, муниву дикиан ванил ляличиву.

ХАбибатлул творчество дур дакинийхтунусса, яни назмурду дакинива нанисса куцуй итадарккусса.

Ванил шеъррдава жунна дакинин даглай дур оьрчшиву, таний сагъ-саламатсса буттал къатри, утти эяллайн дурксса. Таний буллугъсса аьрши, утти заллу акъа ливчисса. Цалла мина, кюру къабитавришал, жулва халкъуннал ниттил мазгу хъама битлай бур. Ниттихасса ва лакку мазрахасса аякъалул бивцусса махъру пас буну бур шалва жужравух».

ХАбибатлул мажлис хъиннува чюлу бунни ихтилатирттал лях-карах ванил мукъурттиесса балайрду увкусса Жанна Къурбановал, Гъажар Рамазановал, Садаят МахАмамадовал, Аьбдул Мурадовлул. Цинярдагу ниттихъан хас бивсеса балай увкунни ХАбибатлул куяв Арсен Салаватовлул. Оьрмулул ххуллийсса ишру дакинин бичлачисса ихтилат бунни цилва ХАбибатлулгу.

Ахирданий цилла ниттил кьини хъун дан бивкуннахъ дакинийхтуну барчаллагъ увкунни душнил Ритал.

Мероприятилул гурттучитуран ХАбибатлул пишкаш бунни цилва луттирду.

Анриана Аьбдуллаева



Ванал ца личантиссар Дагъусттаннал медициналул тарихраву

Дагъусттаннал лайкъ хъусса хІакин, СССР-данул ЦІуллу-сагъшиву дуроччаврил отличник, ЗахІматрал ветеран ва чІярусса цаймигу наградартгал заллу МахІаммадов Халид Тариевичлул вай гъантрай кІицІ лавгунни оьрмулул 90 шинал юбилей.



ДакІнийри, чІярусса шиннардил хъхъичІ, «Илчи» кказитраин ванахъ дазу-зума дакъасса барчаллагъ тІисса Къизлардая бувкІсса чагъар. На му лакку мазраин таржима бувссия. Автор дакІний акъар. ХІакиннан бан-битанмуних луглай, дакІнийхтуну барчаллагъ тІий, гъавасрай чивчусса чагъар бия, кІяласса хялатрусса Халид Тариевичлул суратрашалса. Ва лаккучу ушиву кІул хъуну, ттунмагума пахру багъуна. Мунир махъ Халид Тариевич хІурматрай дакІнин утлатисса ихтилат бавуна медициналул сфералулу зузисса ттула ссурахъу Заира Крохманнуя.

Мунир махърив ттун кІул хъуна ва чІярусса шиннардий Дагъусттаннал ЦІуллу-сагъшиву дуроччаврил министерствалий зузисса, хІурмат лавайсса Рита МахІаммадовна Мурачуевал буттауссу ушиву. Рита МахІаммадовна мудан барчаллагърай бикІай цуппа Медициналул институтравун буххан ччисса кІул хъуну, му хиял дузрайин буккан бан ххуйну чІарав авцІусса Халид-буттауссийн.

ХІакъину Къизлардай ва Къизлардал райондалий, лагмасса шагъру-шяраваллаву акъахъунссар ва къакІулсса, ванал ца къабавсса ва хІурматрай зу-мух къаласунсса инсан.

ЧІярусса шиннардий шиккусса агъалинал ЦІуллу-сагъшиву дуроччаврил масъала ванайн хъарну бия. Ва даву Халид Тариевичлул хъачІунттай диркІссар учирчагу къабайкъинссара, цанчирча цала пишалул ххуллий буллалисса захІмат къахІисавну, ванал хъуннасса гъурттушинна дурссар Къизлардай медициналул идарартту тІитавривугу.

Увну ур Халид 1936-ку шинал Ккуллал шяраву, Тарил ва Ханичал кулпатраву. Нину-ппу бусса оьрмулий колхозраву зий бивкІун бур. Ва захІмат ххирасса, бавкъусса кулпат бивкІун бур.

Шяраваллил хозяйствалул, ризкъи-къинилул ва миннуя дучІаймунил чулуха хъхъичІунсса, республикалий ца дурксса Ккуллал шяраву яла бусравмур пишагу хІухчил, колхозникнал пиша бивкІун бур. Тарингу арс цала шаттирдайх лавгун, хІухчу хъуну ччай бивкІун бур. Хъунама арс МахІаммадгу, ветеринар хъун, институтравун увххун, Халид унугу хІухчушиву дуллай ччай ивкІун ур буттан.

МахІаммадрив ивкІун ур Халидлухъ: «ДакІний бурив хІакин шяравун увкІсса чІумал, цукун бусраврай, хІурматрай къамул уллай бивкІсарив га шяраваллил жяматрал» тІий, дакІнин бутлай. Халидлул мийжаннугу дакІний бивкІун бур Ккулув увкІсса хІакин жяматрал Аллагъ куна къамул уллай бивкІсса.

Хъуниминналгу, хаснува мюршминнал итталу хІакин инсан бивкІуллул ххяппуртгаща зехин бюхъайсса ссихІирчи куна чІалай ивкІун ур. Вагу цала хиялдания тинай-шинай хъунсса пикрилий къаивкІун ур. 1954-ку шинал къуртал бувну бур школа. Цала бусласимунийн бувну, архІал дуклай, чІярусса шиннардий ца парталух шяивкІун, хъуннасса дусшиву дуну ивкІун ур Ширвани Чаллаевлушал. Цанагу тай шинну тІааьнну дакІнин дичлай ур. Школул къуртал бувну махъ лавайсса къиматирттай экзаменугу дуллу, увххун ур хъуннасса конкурс дусса (цаннан кІанай мийя) Дагъусттаннал медициналул институтравун.

Институт къуртал бувну махъ ординатуралувун уххан ччай ивкІун ур, амма Москвалия кІану къабуллуну бур.

– Ина ца шинайсса Кочубейлив насу зун, яла ординатуралувунсса кІану хъурча, дукланссара, – тІий, паракъат уллай бивкІун бур деканатрай сси-къаши хъусса Халид. Ца шин Кочубейлив зийгу дурну, увкІун ур Къизлардайн участокрал терапевтну. АрхІала зий ивкІун ур рентгенологу тубдиспансерданийгу. Ахттакъунай тІурча, медициналул училищалулу дарс дишин лагайсса ивкІун ур. Цала кІулшивуртту практикалий цакъ дан, кагу вардиш дан Халид царагу даврия

Халид МахІаммадов махъаллил къашайсса ивкІун ур. Мукъра шинава, 1964-ку шинал, ва ивтун ур Къизлардал азарханалул терапиялул отделениялул хъунаману. Ва отделениялул гъанулий тІивтІуну бур 100 койка бусса, республикалий цалчинсса Экспериментальная терапевтическая азархана. Му бивкІун бур цанасса оьрчІал азархана бусса кІанттурдай. Ва корпус буллалисса чІумал строительствалул давуртгал ялувгу цува авцІуну ивкІун ур. ЗахІматну бивкІун бур пишакартал лякъингу. Му масъалагу ванал цала бакІрайн лавсун бур. Вайннал биялдарайн багълай бур Къизлар бакъассагу, лагмасса районну ва Южно-сухокумскгу. Давуртту чІярусса дунугу, бавкъусса коллективрал аьмсса ХІарачатрайну ка хъирив лаллай диркІун дур, цанма Халид Тариевичлул хъунмасса гъира бивкІун бур зун. Пишалул къайгъурду чІявусса бушивруцІун, Халид Тариевичлул къашайи изан багъну бур. Шярава даэрдайн, даэрдая махъунмай наними циняв вайнначІа ликкайсса бивкІун бур. Хъунма хІал къавхъуну, 1973-ку шинал, ванан кулпатрашал Кисловодскийн изан багъну бур. Шанна шинай Железноводскийсса «Бештау» тІисса санаториялий хъунама хІакинну зий ивкІун ур. 1976-ку шинал Халид цІунилгу Къизлардайн тІалав увну ур.

Ивтун ур шагърулул поликлиникалул хъунама хІакинну. Поликлиникалул къатрив уттигу хІадурну къадиркІун дур. Мукъра зивулийсса корпусрал строительствалул давуртгал ялувгу цІунилгу цана ацІан багъну бур. 1977-ку шинал поликлиника зун бивкІун бур. КІира шинава Халид Тариевич увцуну ур Муххал ххуллул азарханалийн хъунама хІакинну. Азарханалул биялдарай бивкІун бур мийва фельшерско-акушерский пункт, Чачаннава, Къалмукънава, Дагъусттанная байбихъуну, Аьшттарханнал областърайн бияннин. Шикку зий ивкІун ур Халид Тариевич 2004-ку шинайн бияннин. Мунир махърив ва ур дяхтгасса стационарданул хІакин-терапевтну. ЧІярусса шиннардий агъалинал ЦІуллу-сагъшиву дуроччаврил ххуллий зий, Халид тачІав пашман хъуну акъар хІакиннал пиша язи бугъаврий. Цува къаавкъушиврий хъиннува мукІру шай пациентътурая чъя-чъяни «Барчаллагъ, хІакин» тІисса махъру баяйхту. Къизлардай ваначІан кумаг ба учин, маслихІат ккаккан къабувкІсса ва ванал кумаг къабувсса нажагъссавагу бакъахъунссар. Халид Тариевич ур лавайсса даражалул пишакар, опыт бусса, ка сававсса доктор, Дагъусттаннал медициналул элиталулу сийлийсса хІакин. Му бувчІлайгу бур. Халид цала пишакаршиврул даража гъаз буллай ивкІун ур Москвауллал, Къазаннал, Ростоврал ва Кисловодскаллал хъхъичІунсса клиникарттай. Ва эбрат хъуну, ванаха лашан хІарачат буллай бур жагъилсса хІакинтал.

Пишалул ххуллий бивхъусса захІматрахлу ва чІалачІи дурсса ккаккирттахлу Халид Тариевич лайкъ хъуну ур чІярусса наградарттан. Ва ур Дагъусттаннал лайкъ хъусса хІакин, СССР-данул ЦІуллу-сагъшиву дуроччаврил отличник, ЗахІматрал ветеран. Дур ванал чІярусса ХІурматрал грамотартту ва Барчаллагърал чагъарду. Ларгсса шинал Къизлардал Жяматийсса палаталул председател МахІаммад-Аьзиз Хаппалаев, шагърулул азарханалул хъунама хІакин Э.МахІаммадов ва Профсоюзрал комитетрал председател Заира Крохман бувккунна Къизлардал шагърулул бакІчи Александр Шуваловлуйн Халид Тариевичлул «Къизлар шагърулул хІурматлувсса гражданин» тІисса ца дулара тІий.

Чачаннал дяввилул иширттаву медициналул кумаг баврил даву сакин дурну тІий, ва лайкъ хъуну ур ххуллурдал сообщениелулу министрнал чулухасса ца куска ссятран. Дур медаль «За заслуги перед г. Кизляр». Халид Тариевич цимилагу увчІуну ур Шагърулул советрал депутатну.

Яла бюхттулмур ванал заслуга халкъуннал барчаллагъ бур. Ванахъ барчаллагъ тІиминналив хІат-хІисав дакъар. Халид Тариевичлул кулпатгу цанма, цала даражалун лайкъсса бур. Анна Петровна бур физикалул учитель.

Халид Тариевичлул ряхва-

гу оьрчІава мукъва медициналул ххуллийх лавгун бур. Тамара бур педиатр, Марина – гинеколог, Гулара – медсестра, арс Хизри – хирург. Зоя тІимур душ психолог бунугу, вагу медициналия архну бакъар. ОьрчІал оьрчІалгу чІявуминнал медицина язи дургъну дур. Шак бакъар, вайнная хъуна ттаттан лайкъсса пишакартал хъуншиврий.

Цинярдагу цала лайкъшивурттацІун Халид Тариевич дазузума дакъасса инсаншиврул заллугу ур, рахІму-цІими ххишалану буллусса хІакингу ур.

– Дагъусттаннал медициналул институт мудангу яла конкурс хъуннамур институт бикІайва. Мивун буххан бигъану бакъая. Цалчинсса шинал ттунгу тІайлабацІу къавхъуна. Ттул медициналул институтраву дуклансса гъира чІалай, Халид буттауссийл увкуна: «Ттушава шаймургу, къашаймургу бувну, на ина институтравун бакъин кумаг банна», – куну. Бугу бувссар. Аьркинний чІарав авцІуссар. Ванал бувмур ттун тачІав хъама къабитанссар. Буттауссийл юбилейрал мажлис, жу цинявпа мачча-гъанми лагма лавгун, лахъа-хъунну кІицІ лагарду. Шикку махъ лахълахъинийгу на учав: «Архсса Востокрай бунийгу, Дагъусттаннайгу, тачІав, чувчІав на вил лажин кІяла данмур бакъа къабувссар. Ххарину ва пахрулий бура нава вил уссийл душ бушиврия, – куну.

Халид жулагълу-авладралгу, шала Ккуллал жяматралгу аксакалли. Ванал мукъул хІурмат хъунмассар. Ва Дагъусттаннал ЦІуллу-сагъшиву дуроччаврил ххуллий бусалалувун агъсса инсанни, – тІий бур Рита МахІаммадовна Мурачуева.

– Халид Тариевичлул ттухъ терапиялул дарс дишайссия на Къизлардал медициналул училищалулу дуклакисса чІумал. КІулшивуртту дусса, гъира буттанну дарс дишайсса, хъинсса преподавател ия. Студентгуран ххирасса икІайва. Медучилищагу къуртал бувну, на Къизлардал шагърулул азарханалийн зун бувкІсса чІумал, Халид Тариевич тичча лавгун ия. Зузалт му дакІнин утлай, муная гъалгъа тІийма бикІайва. Ларгсса шинал азарханалул профсоюзрал комитетрал чулуха жу шагърулул бакІчинайн чагъар чивчуссия Халид Тариевичлул «Къизлар шагърулул хІурматлувсса гражданин» тІисса ца дулара тІий, тавакъю буллалисса.

Ва къакІулсса, ванал кумаг къабувсса Къизлардай цучІав акъахъунссар. Ттун кІулли цинявпа ванал оьрчІру-душру. Вайгу Буканхъуви фермардайнсса ххуллурдугу ппу кунма инсаншиву дусса, цаманал чІарав бацІан, кумаг бан хІадурсса инсантал бур, – тІий бур Заира Крохман.

Жугу барча тІий буру хІурмат бусса Халид Тариевичлухъ инсаншиврий, лайкъну буттсса оьрмулул юбилей. ЧІа тІий буру цІуллушиву, ххаришивуртту, хъиншивуртту. Ттуршра шинал юбилейгу дуллай ккакканнав вила ччаннай ва вила аькъулулий.

Анриана АьБДУЛЛАЕВА



Адабиятфал
лажсин

Увсса кьинилун хасну

«Итийча на хІалал лакку аьрщарал»

Къув-аьс тий дурвавли
Зунттал бакІавун,
Хьхьу шанухьхьун гьан дан
Бюхьлай бакъархха?

Цаннивав иттала
Къалаглагисса
ХъунккурчІа ва зилу,
Зилув ххуй душру?

Навама дяввилул
Лакхь ххуллурдал
Увцуну най ура –
Чуннив къакІулла.

Чун най ухьурчагу,
Ттун кІулмур ца бур:
Фашизмалуюта
Ужагь буруччин.

Агар гьурбатрай ттун
Гьав нясив дарча,
Итийча на хІалал
Лакку аьрщарал.

Ттурши кІюрххищІунмай
Чаннал бассан бай,
Баслай ляхьлай бора
МаркІачІанмайва.
Нажагь ина ттиликІ
Дуртсса баярча,
ЛухІину тІатІанна
ЯтІул дарайртту.

Ина ттухь увкуна хьунабакьинну,
Дараччи лирчувкун, бярихсса гьанав,
Ялагу увкуна хьатІи буванну,
Ччиккул ччиккув кувкун
щюлли гьандарав.

Чянира хьа кунни гьанав дараччи,
Вил чурххал ххютрагу янийн къаршунни.
Цакънива бавунни ччиккул балайрду,
Буллу мукъуй бацан вища къавхьунни.

Ци бави, яхІ банна кьурукь букканнин,
Мусил кьурув хьанакІ ятІул лаганнин,
Ссавурданул кІини чантІ учин баннин,
ЦІарал кІалай хьуну, ччаву лехланнин.

ПатІимай, ттул гуламан,
Буси, на цукун изай?

Шагьалайн хьатІи бунни,
Зугьра булун увкунни,
ПатІимай, ттул гуламан,
Вин къаччав махь кутІа бан?

Хара-лачак ласунна
На ина ххари буван:
ПатІимай, ттул гуламан,
Лажинни, къамул дува.

Пуннукьрал жип дуцІинна
Вил бавал дакІ дакъин дан:
ПатІимай, изму була
Мугьису тІайла уккан.

Щюлли гьинттул шярава
Баярча балайлул чІу,
ПатІимай, ттул гуламан,
Лирхьун лагай дакІ вичІан.

Аман, та бюхьанавав
КІут бичин, зини бизан,
ПатІимай, ттул гуламан,
ХьатІун ккамала биххан?

Миннатри, жаваб дула
Я бур, я бакъар куну,
ПатІимай, ттул гуламан,
На цавцІлацІи къаувну.



АБАКАР МУДУНОВ

Фронтрайн нани ххуллий

Щана ура,
на ура,
Ливны шагьрулух ура,
Паракъатну нанисса
Сосна неххал зуманицІ
Ттуна навалу ура.

Щана ура,
на ура,
Пикрирдал лавсун ура,
Хьунна бава ичІура
Цукун дурвав тІий ура,
Чава жалин аьтІийна
ЛивчІуннихха тІий ура,
ДакІ дурцІусса дакІнийсса
Шихь бусави тІий ура.

Ччардурагу дурдивав,
Магьуй зункІлу гьаргьривав,
Хьурссул кІамайму бугьан,
Шяраву цу ливчІривав?

На най ура,
най ура,
Дуний думур къадиртун,
Баллай бур архнияту
Шякъ тІисса ттупал гургу,
Ссурулун гьаз хьанай дур
НякІ бившу ххиттул ттарцІру.

Та къув-аьс бур ттуин оьвтІий,
Ша дирину ачу тІий,
Буттал улча буручлай,
Фашистьгурашчал талай,
Кьунттуну бавцІуначІан,
БивкІулия хІучІ бакъа
ЦІаравун ххявхминначІан.

Кьярша тІий бур,
хІулай бур
Ччанналу чарил чІучІри,
Къаарча душман хІуен,
ХІувуну гьаннав нава.

Утгара мадулларда,
Дадай, лакхьисса хьхьурду,
Я мукьал, я пикрирдал
Байшун къабайссар бала.

Так ина дуаь дува,
Нагу дакІний увгуну.
Иш оьнивун багьувкун,
Ттулсса бацІаннав куну.

Цуксса кьурчІинугу

Цуксса кьурчІинугу
Янсаврал пуркІу,
Вил бухар кьункъацІа
МахІрум къашара.
Жалин, жула дянив
Манзил архнугу,
ЧІарав буни куну,
Жап тІий икІара.

Агар чІал хьанарча
Ттуяту чагьар,
Буруккин мабара –
Нава учІанна:
Так ттун захІмат хьунсар
НахІу шанава
Ина чантІ учин бан,
МакІ дяличІан дан.

Чагьар

Ина шяикІайсса
Бартщарний ккурчІних
Буруглай льякъара,
Ттунма къакІулна.

Агар ххал къавхьуну,
КІура баерча,
Хажалат дакІ дачай
Угьлил кІу дуллай.

ПатІимай, ттул гуламан

Арду тІутІал чІюлу дай,
ЧиничІул чІамуй дакъай,



Генерал Халиловлуцал



Дагьусттаннал чичулт. Куях А. Мудунов

БАХТТҮН ГЪАЗИЕВА**Ниттиха**

Рестораннаву шавхъсса
Люля-кебаб къаччива,
Ниттил кIарттуву шавхъсса
Хамил ччатIул хъис ччива.

Гъивхъ хIала къабахърая
Бувсса чутту къаччива,
Ниттил карунних дяргъу
Нисирал буркив ччива.

Бабай, ттигу асар шай,
Вил ка ттула хъачIунттай –
Къувлул кIаралуния
КIукIлушиву цир канил.

Нинуй, ттул абзиз, нинуй,
Ттул мудан дакIнивусса.
Ци дуссар лашан дансса
Ххирасса ниттихъаха.

**Вирттаврал
аьпалун**

Ххирасса лакку оьрчIрув,
Дъавилийн талан лавгсса,
Буттал улкхусса ччаврил
Ватан дуруччин лавгсса.

ЗахIмат къини дучIайсса
Вирттаврал бакIрачIанни,
Дурсса къини лахъангу
Гьарманаша къашайссар.

Зу чансса къабувкунну
Лакрал мюрши шархъава!
Лакку оьрчIрув, зул цIардал
Магъшур бунни Аьрасат!

ЛичIантIиссар зул цIарду
Вирттаврал тарихраву,

Абадлий чанна лавхъсса
НякI ссавний цIуртти кунма.

Интниха

ОьрчIрув, на зана хъура
Зу ххари бан цал ттигу,
Лахъисса кIинтнил хъхурду
КутIа дуллай цIунища.

Лаххан банна на къурнил
Щюлли махмур махъунмай.
Хъячин данна на тIутIив
Авлахърай ва зунттаву.

ЖюржугIи данна ттигу
Пахъ дагъсса зунттал ратIру,
БалайтIи данна арду
Лелуххантрал чIурдайну.

**Шахъуйннал
Косминаха**

ДакIний хIасрат ххи хъунни,
КъюкIлий уран хъя кунни,
Вил оьрму бяливчIуну,
Ина бакъассар чайхту.

Чанна цIуку чан хъуну,
Ссавний бярчIу багъунни,
ТIутIаву тIутIи къаркъун,
Аьтрилул къанкъ чан хъунни.

Вил шаврийсса яруннай,
ХIала дурх иттацIанттай,
Вил бювхъу качар чурххай
БикIайссияв мяш хъанай.

МакIлияргу кутIасса
Ина бувт ххаллил оьрму,
Щунилгу кIа ссавруннай
Щукуну лахъантIиссар.

**Вих
ялугълагъаврил!**

НякI ссавнийх гъузуй бур
Чанна лавхъсса барз,
Жунна нясив хъусса
Хъхъу чанна дуллай.

Марчгу бур шуршулий
ШанчIапIайх ках тIий,
Ашкара къадуван
Вил ва ттул ччаву.

Нанула, нанула,
ТтучIан нанула,
Ва чанна лархъсса хъхъу
ЦачIу гъан дуван.

Вих ялугълагъаврил
Ссавур духларгун,
Хияллал дуриду дакI
Шякъ чавай дурча.

**МахIачхъал
Исламлуха**

Буттахъал къирият,
Аьнтсса хасият
Оьгтувур тартсса
Агъ, лакку жагъил,

Дуннихха махIаттал
Ина дунял,
КIира мусил мухIлу
ЦалархIал ларсун.

ЧIявусса дакI мяшсса
Бухъунссия вий,
Вил ххувшаврил кIану
Цанма ласунсса.

Къабулунни мадал
Ина миннахъхъун,

Щала дуняллийх
Вил цIа ларгунни.

Ххяххабаргъ куннасса
Вил тIиртIу лажин,
Къадуваннав пашман
Щан ттурлу дурккун.

Къакъакъаннав тачIав
Вил мурччайсса пиш,
ЛичIаннав тяхъана
Бусса оьрмулий.

КъюкIливу ядурну
Улкхусса ччаву,
Машгъур бунни ина
Бюхттул Дагъусттан.

Ссавний пар-пар тIисса
Чанна цIурттаву
Чирчунни ина цIа
«Ислам» увкуну.

Вил цIа загъир хъунни
Щала аьршарай,
Буршиял шярава
Ливчусса игит.

Ниттил буллу ккукку
Вин хIалал хъуннав,
Миллат бюхттул бувсса,
Агъ лакку жагъил!

**МАГЪДИ
МАХIАММАДОВ****ЧIурттащи**

Шяраваллил къинилул хъунийн

ЧIуртташий, ЧIуртташий,
жул буттал минай,
Абадлий вичIан дакI
кIункIу тIийннасса.
Лагмавацца зунттал,
ххяллал накъичру,
ОьрчIнийсса сурагру
дакIний чирчусса.



ХIаллил даврил чIумал
къурдарав балай,
Шяраву аваза мюршисса оьрчIал.
КкурчIа бувциу къужри
маслихIатирттай,
Чув ливчIиссар, ци бувссар,
ттул буттал минай?

ДакIний бур буттахъал
бувсса зилугу,
Щинавун бучIайсса
марцIи цинал бяргу,
Лагмавацца шархъая
маслихIат ккаккан
ЧIурттахъхъун бучIайсса
ххаллил хъамалгу.

Аслансса вирттаврал
бюхъуллул къалай,
Щала дуняллийх кIама бивчусса.
Архсса билаятрай цивгпа бунугу,
Буттал кIантIух ччаву
цIакъну ядурсса.

Уттигу чIурттащи –
хъхъичIунминнавух,
Ччарча къуллугъчитал,
ччарча аьлимтал,
Канил касмулулу
магъирсса зузалт,
Бюхттулну миллатрал
цIа гъаз дуллайсса.

Наслулул ххазинай,
ххира ЧIуртташий,
Ттул Маккай, Мадиной,
даинсса пахруй,
Абаддул-абадлий
вил цIа лахъ дуллан,
Вил ххаллилсса жямат
бюхълай личIаннав!

Язисса арснал юбилей буттал аьрщарай

Космонавтикалул къинилул
хъуннийн Гъумучиял шко-
лалий хъуннасса шадлугърай
кIицI ларгунни миллатрал язис-
са арс, Совет Союзрал Виричу,
лётчик-космонавт, Дагъусттан-
нал цалчинсса ва хIакъинунийн
увагу усса ца космонавт, Муса
Маннаровлул 75 шинал юби-
лей.

Мероприятие дачин дурну
бия Гъумучиял школалул дирек-
тор Соня Макъаева. Ванил кIицI
лавгунни Космонавтикалул къи-
ни жула паччахIлугъран цуксса
агъамсса кIанттай дуссарив, хас-
нува агъамсса кIану бугълай уши-
ву жула Муса Маннаров. «Аьра-
саг хIакъинугу личIлачIиссар ду-
нияллул хъхъичIунсса аьламрал
державану. Цалчин левхссар
аьламравун, цалчин бувкссар
тIивтIусса аьламравун, цалчин-

сса хъамитайпа-космонавт.
Хасъсса кIану жула дагъусттан-
лувтурал, лакрал дакIурдиву
бугълагъиссар Совет Союзрал
Виричу Муса Маннаровлул. Ду-
нияллулгу, Дагъусттанналгу та-
рихраву ванал чирчуссар чан-
насса, хъама къаритайсса цIа.
Школалул коллективран хъун-
масса пахрур Муса Маннаров-
лул цIанийсса школалий зий бу-
шиву, мунишала архIал хъунна-
са жаваблувшиннагур», – увкун-
ни Соня Макъаева.

Райондалул бакIчинал хъи-
ривчу Малик ХIусмановлул
кIицI лавгунни Муса Манна-
ровлул буттал кIанттул космо-
навтикалул тарихраву бивхъус-
са захIмат ва жула бюхттулсса
ваганлувал бивтсса оьрму жа-
гъилсса никиран эбратну хъа-
най бушиву.

А. Тахо-Годил цIанийсса



Дагъусттаннал Национал му-
зейрал директор Игорь Олей-
никлул бувсунни бусалардавун
агъсса космонавтнал пишакарс-
са хъхъичIуннайшивурттая.

«Бартбигин къахъун кун-
ма чIалачIисса мурадругу зула
хъхъичI бивхъуну, хъит тIутIяра
миннуйн. Муса Маннаровлул
бивтсса ххуллул исват буллай
бур цала гужирдайну вихну,
кIулшивурттайн хъит тIутIисса
инсаннаша ччимур ххуллу би-
тан шайшиву», – увкунни Игорь
Олейниклул.

Дуклаки оьрчIал дурккунни
аьламрал тарихран хас дурсса,

Аьламравун ххуллу тIивтIуми
ва буттал кIанттул космонавти-
ка хъхъичIуннай дурми лахъа-
хъун буллалисса назмурду. Язи-
язими ххару тIурча, хас бувну
бия миллатрал язисса арснал.
Щадлугъ хъиннура чIюлу дурун-
ни Гъумучиял оьрчIал магъир-
лугърал школалул тарбиялувту-
рал къавтIавурттал.

Учительтурал хорданий
увкунни Муса Маннаров цалчин
аьламравун левхсса гъантрай ла-
крал шаэр МахIаммад-Загъид
Аминовлул ва композитор Ма-
загъиб Шариповлул цачIу чив-
чусса «Ххуллухъин баннав, Му-

сай» тIисса балай. Балай цуппа-
гу дуняллийн бувкссар Мирха-
нум ва Мазагъиб Шириповхъал
шаллу бувну, аьламравусса Му-
сан цанмагу чIалай.

Экрандалий ккаккан дурун-
ни буттал кIанттул космонавти-
ка хъхъичIуннай шаврил тарих-
рая ва Муса Маннаровлул вири-
чусса ххуллия бусласисса доку-
ментал фильмгу.

Муса Маннаровлул юбилей-
ран хас дурсса мероприятирт-
ту ялагу хIадур дурну дия музей-
рал, библиотекарттал, школар-
дал ва детсадирттал.

Зулайхат ТАХАКЪАЕВА

Лакрал халкъуннал учаларттава

Лякълуйн шурчан, ли-
край ацІан бюхъарчангу,
къюкІлийн цукуннив, лик-
курттаца инсан обхІан
къабюхъай.

МаркІачІан бивзун ур.

Мурхъгу щала шинай
щюллинма къабикІай.

НигъаусуІанни азар да-
чайсса.

Начсса обрмунияр
цІанихсса бивкІу хынссар.

ОбрчІругу бивнал бакъар-
ча, бивтналсса бур.

Обрму цІил щи-
нан лавхъхусса затри:
хІачІлачІиссаксса мякъ гуж
хънахъиссар.

Обрму хъинбалдарал
ххулий бутан аьркинссар.

ОбрчІал къашайишврл
нину-ту хъяврин байссар.

ОбрчІал къашайишврл
нину-ту щялу байссар.

ОбрчІал къашайишву
гъили накІлийн багъсса пам-
мари.

Сагъманан хІакин къа-
аркинссар.

Сагъма бивкІулук луглан
къаикІайссар.

Сагъсса ттурчІай дикІ
дишайссар.

Сагъишву канихъсса хха-
зинар.

Сагъишву машин ласун
къабюхъайссар.

Сарс тІахІни – суй, цІу
тІахІни – гъярж.

Ттуришра шин хъума
вилттили обрчІайн уккайс-
сар.

Ттула зумух нара ччар-
чан аьравартту дуцинна.



«Илчи» – маслихатчи Бала-апатІсса иширттацІунсса маслихатру

Вай махъсса иширттал цал ххишалану ккаккан бунни ччимур
чІумал ччимур хъун бюхъайишву, инсангу, бюхъавай, укунсса
иширттайн хІадурну икІан аьркиншиву. Цимурцаннуйн хІадурну
бикІан къахъурчангу, жунмагу, цайминнангу кумаг буван хъунши-
врл, цаппарасса маслихатру бучІину лякъинссар.

Аьркин хъунгу, къахъунгу, му-
дангу хІадурну бикІан аьркинссар
щин къадуххайсса къуцурттуву ягу
цамур заправу бивхъуса докумен-
тру, фонарик, аптечка, гъилисса
янна, арцу...

Бюхъавай, телефонгу, фонари-
кругу, цайми-цайми ва журалул за-
тругу зарядкалул чулуха шаллуну
диртун хъинссар.

Къатлуну щин дачирчан, мутъ-
лат бакъа буккан аьркинссар мюх-
чансса кІанайн, хІадур бивсса чан-
тайгу лавсун.

Къатлул чІирай ягу лагма-
ялтгусса аьршарай хъякру хІисав
хъурчан, къатлуну думур ххассал
къадуллай, зува ххассал хъунмур бу-
ван аьркинссар.

Агана щин ягу лекъру савав-
ну къатлува буккан къавхъуну
личІарчан, муххал затрайн (бата-
реярттайн, турбардайн) къутІа тІун
аьркинссар, лагма-ялтгуминнан,
ххассал бувултран баяншиврл.

Укунсса чІумал хъурай фона-
рик лахъан, дяхтта зула янналуvas-
са яргсса чаннасса ци-дунугу ттугъ
кунна лахъну гъаз дуван аьркинссар,
зува хІисав хъуншиврл.

Укунний, гъанавиххул къавхъу-
ну, вев-гъарайлун дакІнилмургу,
чурххалмургу гужгу харж къабуну
хъинссар.

Къахъунмур хъусса чІумал, 112
номерданийн овькуну, зунма хъу-
мур, зува бусса кІану бусан аьр-
кинссар.
ДакІний битирава номерданийн

интернет дакъанийгу, хІатта теле-
фондалува сим-карта дакъанийгу
овьчин шайишву.

Бала-апатІсса тагъар хІасул хъа-
нахъисса чІумал хъычІва-хъычІ
лещан аьркинссар къатлувусса газ,
чани ва щин.

Щин дарцІусса кІанттурду ма-
шиналий лахъанмур мабулларди, 20-
30 см лахъсса щин дусса кІанай ма-
шина лавсун бачайссар. Ялагу, ялун
буруган куртІну къачІаларчангу,
щин дарцІусса кІанай, лувату аьрши
щинал ларсун, куртІсса ва дачІрасса
къакъа дикІангу бюхъайссар.

Нехру, мугъалтту буккан бюхъ-
айсса неххамачІая, вивпай лав-
гсса кІанттурдая архну бикІан аьр-
кинссар.

Щинаву левшун, къур буван
къахъанахъисса машиналува бук-
кан аьркинссар. Ялун щин диллай,
му бюкъансса ягу лавсун гъансса
хъуннасса нигъ дуссар.

Щинаву личІарчан, кІусса
янналуца ва уссаца мурахас хъу-
ну хъинссар. Щинал лавсун ба-
чирчан, хІарачат буван аьркин-
сар зумардачІан гъан хъун, микку-
мур щинал гуж чанссар. Мукумна
ссацІун-бунугу лачІун.

Зунттул хъачІ, валт лекълакый-
ни чІарав хъурчан, янналух, жишлу-
ву каршух майгу, къацІгу башан аьр-
кинссар ххиттуя.

Къатрава щин ларгун, зува
зана хъуну махъ ххал бувара гъа-
ну щябивкІунмагу бакъарив, хъя-
крурду хъунурагу дакъарив. ПІитІин

думур тІиртІуну, къатри къакъан-
мур, гъава бухханмур бувара.

Къатрава щин ларгун махъ хъа-
сса пишакартурал ххал къабунна
малахъари я газ, я чани. Экъинай
ягу замыкание хъуну дикІан бюхъ-
айссар.

Къатран, машиналул, цамур-
гу хъуслин бивсса заралданухсса
компенсация ласуншиврл, хъумур
лакъланнин, дуккан дулланнин, цал
цимурцаннул сурат ришун, видео
ласун аьркинссар. Администраци-
ялийн буккан аьркинссар зарал
бивминнал сияхІравун зувагу би-
чиншиврл.

Агана страховка духъурча, бала-
апатІ хъусса хъхъу-къинилул данийн
страховой агентнайн овьчин аьр-
кинссар. Харж хъумунихсса чекру-
гу диртун хъинссар.

АцІрахъул шиннардий, хІатта
бусса обрмулий, дуллай бивкІсса
къатраца шаву бигъасса иш бакъ-
ассар, щин-бухъурчангу. Мукун-
нугу, бумунийн щукру бивну, зула
дакІ зура дуван аьркинссар. Зул па-
ракъатшиву – обрчІалгу, махъмин-
налгу паракъатшивур.

Лирну ларгмур ца къини дазин,
дакъин дуван хІарачат мабуллар-
ди, обрмунияр, цІуллушивунийяр
ларайсса цичІар дакъассар. Ду-
ваймур паракъатну, чан-чанну
дуллай дувара, зушава шайсса ка-
кумаг чІаххув-чІараханну буллай.
АрхІал дуллалисса даврил лагма-
ялтгуминнашласса арардугу цІакъ
дувайссар, дакІгу паракъат дувайс-
сар.

Буруччиннав Хъунасса Алагъ-
нал жува цинявпагу оьмуниша,
бала-апатІиртташа.

**ХІадур бивссар
Бадрижамал АБЛИЕВАЛ**



Газета «Илчи» (Вестник)
Учредитель:
Агентство информации и печати
Республики Дагестан
Издатель:
ГБУ РД «Этномедиахолдинг
«Дагестан»
Хъунама: МахІаммаев Аб.М
Тел.: 65-00-25

Хъунама редактор:
Къардашов Р. Аб.
Хъунама редакторнал хъиривма:
Башаев Р.М.
Жаваб дулайсса секретарь:
Исмяилова С.Р.

Редколлегия:
Адамов АбдурахІман
МахІаммадович
Абдуллаев Сапарбаг Аьлиевич
Аьлиев ХІажі Сулайманович
Исрапилов Артур Анварович
Маммаев Сулайман НурагІинович
МахІаммадов Юсуп ХІамидович
Оьмаров Супиян Расулович
Илиясов Марат СиражутгІинович
Хасаева Гульшан Рамазановна
ХІажимирзаев ЗиябутгІин
Абусупиянович
ХІусайнаева Качар Абачараевна
Шайхалиев Астемир Икрамович
Шалласуев Шалласу Рамазанович
Эльдарова Роза ХІажиевна

Отделлал редакторлал:
Абдуллаева А. П.
Аьдилов ХІ. А.
Рамазанова П. ХІ.
Тахакъаева З. К.

КорреспондентгІал:
АбдурахІманова З. Т.
Аьлиева Б. Д.
Саидова И. А.
Корректор:
АхІмадова А.И.
Къазитрал дизайнергал:
Абакарова К. Н.
ХІажиева З. У.

Къазитрай дурксса макъаларттаву
кІицІ лавгмур гІайлашивул жаваб
дулайссар чивчуманал.
Редакция макъалалул залуннал пикри-
лий рязину бакъахъурчагу, макъала
рищайссар, жяматрал цаламур пикри
бусанссар гІисса ниятрай. Къазитрайн
дуркІсса макъаларттайн рецензия къа-
чичайссар ва ми залуннахъхъун зана
къадайссар.

Къазит буккайссар нюжмардий цал.
Шинай итабакъайссар 48 номер.

Къазитрал индекс. П7046
Тираж – 1735 экз.

Адрес редакции и издателя:
367018, г. Махачкала,
пр-т Насрудинова, 1а
e-mail: ilchi@etnomediadag.ru
http://ilchi.info
Тел./факс. 66-00-59


Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана в типогра-
фии ООО «Феникс-пресс».
Адрес: РД, Шамилский район, с. Хеб-
да, ул. Сураката Асиятилова.
Срок подписания в печать 19.00.
Подписано 19.00.

Цена 10 руб.



МАХІАЧКЪАЛА



Гъавалул тагъар



ГЪУМУЧИ

